

四庫全書薈要

• 乾隆御覽本

史部

國語卷四

魯語上

吳韋昭注

長勺之役曹劌問所以戰於莊公

長勺魯地也曹劌魯人也莊公魯桓公之

子莊公同也初齊襄公立其政無常鮑叔牙曰君使民慢亂將作矣奉公子小白奔莒魯莊八年齊無知殺襄

公管夷吾召忽奉公子糾奔魯九年夏莊公伐齊納子糾小白自莒先入與莊公戰于乾時公敗績故十年齊

興師伐魯公曰余不愛衣食於民

有惠賜也不愛牲玉於神

牲犧牲玉圭璧所以祭祀也

詩曰靡愛斯牲圭璧既卒對曰夫惠本而後民歸之

志惠本謂樹德施利也

民和而後神降之福降下也民

乃降福若布德於民而平均其政事君子務治而小人

務力動不違時器不過用

不過財用不匱莫不共祀無

獨已也非是以用民無不聽求福無不豐今將惠以小賜

祀以獨恭

小賜臨戰之賜獨恭一身之恭也

小賜不咸獨恭不優

咸徧也優

也裕不咸民弗歸也不優神弗福也將何以戰夫民求不

匱於財而神求優裕於享者也

裕饒也享食也民故不

和年豐為優裕

可以不本

本先利民莫不共祀

公曰余聽獄雖不能察必以情斷

之

獄訟也

對曰是則可矣

可者未大備可以一戰傳曰齊師敗績

夫苟中心

圖民智雖不及必將至焉

苟誠也言誠以中心圖慮民事其智雖有所不及必將至

於道也

莊公如齊觀社

莊公二十三年齊因祀社蒐軍實以示客公往觀之

曹劌諫曰不

可夫禮所以正民也是故先王制諸侯使五年四王一

相朝也

賈侍中云王謂王事天子也歲聘以修業間朝以講禮五年之間四聘於王而一相朝者將朝

天子先相朝也唐尚書云先王謂堯也五載一巡守諸侯四朝昭謂以堯典相叅義亦似之然此欲以禮正君

宜用周制周禮中國凡五服遠者五歲而朝禮記曰諸侯之于天子也此年一小聘三年一大聘五年一朝謂

此也晉文公霸終則講於會以正班爵之義終畢也講習也班次

也謂朝畢則習禮於會以帥長幼之序訓上下之則帥

正爵位次序尊卑之義謂牧伯差國大其間無由荒怠其間朝會之間

也制財用之節謂牧伯差國大其間無由荒怠其間朝會之間

夫齊棄太公之法而觀民於社太公齊始祖君為是舉

舉動而往觀之非故業也業事何以訓民土發而社助

時也土發春分也周語曰土乃脉發社者助時求福為農始也收擴而烝納要也拾

也冬祭曰烝因祭社以納五穀之要休農夫令齊社而

也月令曰孟冬祀于天宗大祀公社及門閭

往觀旅非先王之訓也

旅衆也

天子祀上帝

上帝天也

諸侯會

之受命焉

助祭受政命也

諸侯祀先王先公

先王謂若宋祖帝乙鄭祖厲王之屬

也先公先君也

卿大夫佐之受事焉

事職也

臣不聞諸侯之相會

祀也祀又不法

不法謂觀民也

君舉必書

動則左史書之言則右史書之書而

不法後嗣何觀公不聽遂如齊

莊公桓宮之楹而刻其桷

桓宮桓公廟也楹柱也唐云桷桷頭也昭謂桷一名

榱今北土云亦然爾雅曰桷謂之榱莊公娶于齊曰哀姜哀姜將至當見於廟故丹柱刻榱以夸之匠師

慶言於公

匠師慶掌匠大夫禦孫之名也

曰臣聞聖王公之先封者

謂若

湯武周遺後之人法使無陷於惡其為後世昭前之令

公太公

聞也為猶使也

使長監於世

監觀也觀世成敗以為戒也

故能攝固不解

以久

攝持也

今先君儉而君侈之

先君桓公

令德替矣

替滅也

公

曰吾屬欲美之

屬適也適欲自美之非先君意也

對曰無益於君而替

前之令德臣故曰庶可以已乎

已止也

公弗聽

哀姜至公使大夫宗婦覲用幣

宗婦同宗大夫之婦也覲見也見夫人也用幣

言與大宗人夏父展曰非故也

宗人宗伯也夏父氏也展名也宗伯主男女贊

幣之禮故故事也

公曰君作故

言君所作則為故事

對曰君作而順則故

之順順於禮則逆則亦書其逆也臣從有司懼逆之書

於後也故不敢不告從有司言備位隨夫婦贊不過素

栗以告虔也素取蚤起栗取敬栗虔敬也男則玉帛禽

鳥以章物也謂公執桓圭侯執信圭伯執躬圭子執穀

士執雉庶人執鵠工商執雞也章明也明尊卑異物也今婦執幣是男女無別也

男女之別國之大節也不可無也公弗聽

魯饑臧文仲言於莊公魯饑在莊公二十八年文仲魯

孫辰曰夫為四隣之援援所攀援結諸侯之信重之以

婚姻申之以盟誓

申重也

固國之艱急是為艱難

也是為艱難也

是為

鑄名器

名器鍾鼎也

藏寶財

寶財玉帛也

固民之殄病是待

殄病絕也

饑也今國病矣君盍以名器請糴于齊

盍何不也市穀曰糴

公曰誰

使對曰國有饑饉卿出告糴古之制也

告請也

辰也備卿

辰請如齊公使往從者曰君不命吾子吾子請之其為

選事乎

選事自選擇其職事也

文仲曰賢者急病而讓夷

夷平也

居

官者當事不避難在位者恤民之患是以國家無違

無相

違很者違很今我不如齊非急病也在上不恤下居官而情非

事君也文仲以鬯圭與玉磬如齊告糴

鬯圭裸鬯之圭長尺二寸有瓚

以祀廟玉磬鳴璆也

曰天灾流行戾于敝邑饑饉荐降民羸幾卒

戾至也荐重也降下也羸病也幾近也卒盡也

大懼殄周公太公之命祀

賈唐二君

云周公為太宰太公為太師皆掌命諸侯之國所當祀也或云命祀謂命祀二公也昭謂傳曰衛成公祀夏后

相甯武子曰不可以間成王周公之命祀職貢如此賈唐得之

職貢業事之不共而獲

戾

戾罪也

不腆先君之敝器

腆厚也

敢告滯積以紓執事

滯久

也紓緩也執事齊有司也敝久積則當朽敗執事所憂也請之所以緩執事

以救敝邑使能

共職豈唯寡君與二三臣實受君賜其周公太公及百

辟神祇實永饗而賴之

辟君也賴蒙也天曰神地曰祇百辟謂百君卿士有益于民者

齊人歸其玉而予之糴

齊孝公來伐

孝公齊桓公之子孝公昭也魯僖公叛齊與衛莒盟于洮又盟于向故孝公伐魯討

此二臧文仲欲以辭告

欲以文辭告謝齊也病焉為辭也問於展

禽

展禽魯大夫展無駭之後柳下惠也字季禽

對曰獲聞之處大教小處小

事大所以禦亂也不聞以辭

獲展禽之名也禦止也

若為小而崇

以怒大國

崇高也謂自高

使加已亂亂在前矣

亂惡辭也

其何益文仲曰國急矣百物唯其可者將無不趨也

百物

之中可用行賂將無願以子之辭行賂焉其可乎展禽

不趨言無所愛也

使乙喜以膏沐犒師

乙喜魯大夫展喜也犒勞也以膏沐為禮欲以義服齊明不以賂免

曰寡君不佞

佞才也

不能事彊場之司

司主也主彊場吏也

也使君盛怒以暴露於敝邑之野敢告與師

與衆也

齊侯

見使者曰魯國恐乎

使者乙喜也

對曰小人恐矣君子則否

公曰室如懸磬野無青草何恃而不恐

懸磬言魯府藏空虛但有棖梁

如懸磬也野無青草早甚也故言何恃

對曰恃二先君之所職業昔者成

王命我先君周文公及齊先君太公曰女股肱周室以

夾輔先王

先王武王也

賜女土地質之以犧牲世世子孫無

相害也

質信也謂使之盟以信其約

今君來討敝邑之罪其亦使聽

從而釋之

釋置也

必不泯其社稷

泯滅也

豈其貪壤地而棄

先王之命其何以鎮撫諸侯恃此以不恐齊侯乃許為

平而還

平和也

溫之會

溫之會晉文公討不韙在魯僖二十八年

晉人執衛成公歸之于周

成公恃楚而不事晉又殺弟叔武其臣使醫鵠之不死

元咺訴之晉

故文公執之事見周語中

使醫鵠之不死

鵠鳥名也一名運曰其羽有毒漬之酒而飲之立死傳

曰晉侯使醫衍鵠衛侯甯俞貨醫使薄其鵠不死在魯

僖三醫亦不誅

不誅醫者諱以私行毒也

臧文仲言於僖公僖公莊

僖公

曰夫衛君殆無罪矣刑五而已無有隱者隱乃諱

也隱謂

大刑用甲兵

賈侍中云謂諸侯不式王命則以六師移之昭謂甲兵謂臣有大逆

則被甲聚兵而誅之若令陳軍也

其次用斧鉞

斧鉞軍戮也書曰後至者斬

中刑用

刀鋸

割剝用刀斷截用鋸亦有

其次用鑕鑕

鑕臍刑也

薄刑用鞭扑以威民也

鞭官刑也

故大者陳之原野

謂

兵斧錢也小者致之市朝

刀鋸以下也其死刑大夫以

五刑

三次是無隱也

五刑甲兵斧鉞刀鋸鑕鑕鞭

今晉人鳩

衛侯不死亦不討其使者

使者醫衍

諱而惡殺之也

諱殺衛侯也

衛

有諸侯之請必免之臣聞之班相恤也故能有親

班次也

憂也言位次同者當相憂也

夫諸侯之患諸侯恤之所以訓民也

訓也

也教相救恤也

君盍請衛君以示親於諸侯且以動晉

動發晉侯之志

夫晉新得諸侯

新為伯也

使亦曰魯不棄其親其亦不可以

惡

不可以惡魯也

公說行玉二十穀乃免衛侯

雙玉曰穀傳曰

納玉於王及晉侯皆十穀王許之

自是晉聘于魯加於諸侯一等

貴其義也

爵同則厚其好貨

爵與魯同者特厚其好貨

衛侯聞其臧文仲之為

也使納賂焉辭曰外臣之言不越境不敢及君

言臣不外交也

晉文公解曹地以分諸侯

解削也晉文公誅無禮曹人不服伐而執其君削其地以

分諸侯事在魯僖三
十一年取濟西之田僖公使臧文仲往宿於重館

重魯地館

候館也周禮五十里有市市有候館

重館人告曰晉始伯而欲固諸侯

守人

館之隸也固猶安也

故解有罪之地以分諸侯

有罪謂不禮文公觀駢脅也

諸

侯莫不望分而欲親晉皆將爭先晉不以故班

班次也

亦

必親先者吾子不可以不速行魯之班長而又先

長猶尊也

先諸侯其誰望之

誰敢望與魯為比也

若少安恐無及也從之

獲地於諸侯為多反既復命為之請曰地之多也重館

人之力也臣聞之曰善有章雖賤賞也

章著也

惡有釁雖

貴罰也

釁孔也

今一言而辟境其章大矣

辟開也

請賞之乃

出而爵之

出出之於隸爵爵為大夫

海鳥曰爰居止於魯東門之外三日

爰居雜縣也東門城東門也

臧

文仲使國人祭之

文仲不知以為神也

展禽曰越哉臧孫之為政

也

越迂也言其迂濶不知政要

夫祀國之大節也

節制也

而節政之所

成也

言節所成政

故慎制祀以為國典

典法也

今無故而加典

非政之宜也

加益也謂以祭鳥益國法也

夫聖王之制祀也法施於

民則祀之

謂五帝殷契周文也

以死勤事則祀之

殷冥水死周以棄山死是也

勞定國則祀之

虞幕夏杼殷上甲微周高圉大王也

能禦大災則祀之

夏禹

是能扞大患則祀之

殷湯周武是也

非是族也不在祀典

族類也

昔烈山氏之有天下也

烈山氏炎帝之號也起於烈山祭法以烈山為厲山

其子

曰柱能殖百穀百蔬

柱為后稷自夏以上祀之草實曰蔬

夏之興也周棄

繼之故祀以為稷

夏之功與謂禹也棄能繼柱之功自商以來祀之

共工氏之伯

九有也

共工氏伯者在戲農之間有域也

其子曰后土能平九土

其子共工

之裔子句龍也佐黃帝為土官九土九故祀以為社

州之土也后君也使君土官故曰后土

神也黃帝能成命百物以明民共財黃帝少典之裔子

顓頊能修之顓頊黃帝之孫昌意之子帝帝嚳能序三

辰以固民固安也帝嚳黃帝之曾孫玄囂之孫蟠極之

以治歷明時教堯能單均刑法以儀民堯帝嚳之庶子

民稼穡以安之陶唐氏放勳也

單盡也均平舜勤民事而野死舜顓頊之後六世有虞

也做善也苗死於蒼鯀障洪水而殛死殛誅也鯀使治水障防百川

績用不成堯用殛之于羽山禹能以德修鯀之功功

雖不成禹亦有所契為司徒而民輯契殷之祖為堯司徒能敬敷五教輯

和冥勤其官而水死冥契後六世孫根圉之子也為湯夏水官勤于其職而死於水

以寬治民而除其邪湯冥後九世主癸之子為夏諸侯以寬得民除其邪謂放桀扞大患

也稷勤百穀而山死稷周棄也勤播百穀死於黑水之山毛詩傳云文王以文

昭文王演易又有文德武王去民之穢穢謂紂也故有虞氏

禘黃帝而祖顓頊郊堯而宗舜賈侍中云有虞氏舜後在夏殷為二王後故有

禘郊宗祖之禮也昭謂此上四者謂祭天以配食也祭

昊天於圓丘曰禘祭五帝於明堂曰祖宗祭上帝於南

郊曰郊有虞氏出自黃帝顓頊之後故禘黃帝而祖顓頊舜受禘於堯故郊堯禮祭法有虞氏郊饗而宗堯與

此異者舜在時則宗堯舜夏后氏禘黃帝而祖顓頊郊

鯀而宗禹虞夏俱黃帝顓頊之後也故禘祖之禮同商

人禘舜而祖契郊冥而宗湯舜當為嚳字之誤也禮祭

之先故禘之鄭後司周人禘嚳而郊稷嚳稷之父稷祖

文王而宗武王此與孝經異者商家祖契周公初時亦

業有伐紂定天下之功其廟不可以毀故先幕能帥顓

頊者也有虞氏報焉幕舜之後虞思也為夏諸侯帥循

也祭杼能帥禹者也夏后氏報焉杼禹後七世少康之子

上甲微能帥契者也商人報焉

上甲微契後世湯之先也

高圉大

王能帥稷者也周人報焉

高圉后稷後十世公非之子也大王高圉之曾孫古公亶

父凡禘郊宗祖報此五者國之典祀也

也典法加之以社

稷山川之神皆有功烈於民者也及前哲令德之人所

以為明質也

質信也以其有德於民而祭之所以信之於民心

及天之三辰民

所以瞻仰也及地之五行所以生殖也

殖長也五行五祀金木水火土

及九州名山川澤所以出財用也

謂九州之中名山川澤也非是不

在祀典今海鳥至已不知而祀之以為國典難以為仁

且知矣夫仁者講功

講論也仁者心平故可論功也

而知者處物

處名也

無功而祀之非仁也

言鳥無功

不知而不能問非知也今茲

海其有災乎夫廣川之鳥獸恒知而避其災也是歲也

海多大風冬煥

爰居之所避也

文仲聞柳下季之言

柳下展禽之邑季字

也曰信吾過也季子之言不可不法也使書以為三策

策簡書也三策三卿卿一通謂司馬司徒司空也

文公欲弛孟文子之宅

文公魯僖公之子文公與也弛毀也孟文子魯大夫公孫敖之

子文伯穀也宅有司所居公欲毀之以益宮

使謂之曰吾欲利子於外之寬

者

以於外寬地

對曰夫位政之建也

言爵所以立政事

署位之表也

署者位之表識也

車服表之章也

車服貴賤有等所以自章別也

宅章之次也

有章服者之次舍也

祿次之食也

居次舍者之所食也

君議五

者以建政為不易之故也

五謂位署服宅祿也有其位則治其官服其章居其次食

其祿也君議五者以立政事為不可改易

今有司來命易臣之署與其車服

而曰將易而次為寬利也

下而而汝也欲寬利汝也

夫署所以朝

夕虔君命也

言朝夕者不宜遠也

臣立先臣之署服其車服為利

故而易其次

先臣父祖之官

是辱君命也不敢聞命

言臣不守先臣之職

而欲寬利則是辱命之臣也

若罪也則請納祿與車服而違署

納歸也祿

田邑也違去也若臣有罪則請歸祿與車服而去其官也

唯里人之所命次

里人里宰也有

罪去位則當受舍於里宰

公弗取臧文仲聞之曰孟孫善守矣

善守善守

職其可以蓋穆伯而守其後於魯乎

穆伯文子之父公孫敖也淫乎莒出

奔而死於齊今文子守官不失禮故可以掩蓋其父之惡守其後嗣也

公欲弛邱敬子之

宅亦如之

公文公也邱敬子魯大夫邱惠伯之後玄孫敬伯同也亦如之者亦謂之欲利子於外之

寬對曰先臣惠伯以命於司里

言先臣惠伯受命嘗禘於司里居此宅也嘗禘

烝享之所致君胙者有數矣

秋祭曰嘗夏祭曰禘冬祭曰烝春祭曰享享獻物也

賈唐二君云臣祭致肉於君謂之致胙昭謂此私祭而致肉非所以為辭也致君胙者謂君祭祀賜胙臣下掌致之也有數有世數也出入受事之幣以致君命者亦有數矣出入

謂受使出境入國奉聘幣以令命臣更次於外外舍也致君命者亦於此宅世數矣今命臣更次於外外舍也

也為有司之以班命事也無乃違乎違遠也言有司以位次命職事於臣

臣在外次無乃請從司徒以班徒次公亦弗取司徒掌里宰之

政比夫家衆寡之官也敬子自以有罪君欲黜之故請從司徒徙里舍也

夏父弗忌為宗弗忌魯大夫夏父展之後也宗宗伯掌國祭祀之禮烝將躋僖公

躋升也賈侍中云烝進也謂夏父弗忌進言於公將升僖公於閔公上也唐尚書云烝祭也昭謂此魯文公三

年喪畢祫祭先君於太廟升羣廟之主序昭穆之時也
經曰八月丁卯大事於太廟躋僖公是也僖閔之兄繼
閔而立凡祭秋曰嘗冬曰烝此八月而言烝用烝禮也
凡四時之祭烝為備傳曰大事者祫祭也毀廟之主陳
于太祖未毀廟之主皆升合食于太祖宗有司曰非昭
躋僖公逆祀也逆祀者先禰而後祖也宗有司曰非昭
穆也宗有司宗官司事臣也非昭穆謂非昭穆之次也
父為昭子為穆僖為閔臣臣子一例而升閔上故
曰非昭曰我為宗伯明者為昭其次為穆何常之有明
穆也僖有明德當為昭有司曰夫宗廟之有昭穆也以次世
閔次之當為穆也長幼先後也等夫祀昭孝也
之長幼而等胄之親疏也長幼先後也等夫祀昭孝也
昭明也明各致齊敬於其皇祖昭孝之至也皇大故工
孝道也

史書世

工瞽師官也史太史也世世次先後也工誦其德史書其言

宗祝書昭穆宗

伯祝太祝也宗掌其禮祝掌其位

猶恐其踰也令將先明而後祖

以僖為明

而升之是先禍而後祖

自玄王以及主癸莫若湯

玄王契也主自癸湯父也

自

稷以及王季莫若文武

稷棄也王季文王父

商周之祗也未嘗躋

湯與文武為踰也

不使相踰

魯未若商周而改其常無乃不

可乎弗聽遂躋之展禽曰夏父弗忌必有殃夫宗有司

之言順矣又未有明焉

未有明德

犯順不祥以逆訓民亦不

祥易神之班亦不祥不明而躋之亦不祥犯鬼道二

神之班躋

犯人道二

犯順以逆訓民也

能無殃乎侍者曰若有

殃焉在抑刑戮也其天札也

不終曰夭度死曰札唐云未名曰夭失之矣

曰

未可知也若血氣強固將壽寵得沒

壽寵老壽而保寵也沒終也

雖

壽而沒不為無殃

必以殃終

既其葬也焚煙徹于上

已葬而火焚其

棺槨也徹達也

莒大子僕殺紀公

紀公生僕及季它既立僕又愛季它而黜僕僕故殺紀公也

以其

寶來奔

寶玉也來奔奔魯也或有魯字非也此魯語不當言魯

宣公使僕人以書

命季文子

宣公文公之子宣公倭也命告也僕人官名文子魯正卿季孫行父

曰夫莒大

子不憚以吾故殺其君而以寶來其愛我甚矣

憚難也

為

我子之邑今日必授無逆命矣

也授子

里革遇之而更其

書

里革魯太史克也遇僕人見公書以太子殺父大逆故更之

曰夫莒太子殺其君

而竊其實來不識窮固又求自適

固廢也適近也

為我流之於

夷

夷東夷也

今日必通無逆命矣

今日必通疾之言

明日有司復命

有司司寇復反也文子得書使司寇出之竟明日反命於公也

公詰之

詰問僕人僕人以違命意

以里革對

對以里革所更也

公執之

執里革也

曰違君命者女亦聞

之乎對曰臣以死奮筆奚啻其聞之也

言所以觸死奮筆而更公命者

不欲傷君德耳奚何也

臣聞之曰毀則者為賊也則法掩

賊者為賊

掩匿

竊寶者為宄

謂亂在內為宄

用宄之財者

為姦

財寶

使君為賊姦者不可不去也臣違君命者亦

不可不殺也公曰寡人實貪非子之罪也乃舍之

宣公夏濫於泗淵

濫漬也漬罾於泗水之淵以取魚也泗在魯城北又曰南門

里革

斷其罾而棄之

罾網也

曰古者大寒降土蟄發

降下也寒氣初下謂

季冬建丑之月大寒之後也土蟄發謂孟春建寅之月蟄始震也月令孟春蟄蟲始震魚上冰獺祭魚

水

虞於是乎講罾罟取名魚登川禽而嘗之寢廟行諸國

人助宣氣也

水虞漁師也掌川澤之禁令講習也眾魚網也留筍也名魚大魚也川禽鼈蜃之屬

諸之也是時陽氣起魚陟負冰故令國人取之所以助宣氣也月令季冬始漁乃嘗魚先薦寢廟唐云孟春誤

矣鳥獸孕水蟲成

孕懷子也此謂春時

獸虞於是乎禁置羅罔魚

鼈以為夏槁

獸虞掌鳥獸之禁令置兔罟羅鳥罟也禁禁不得施也罔罔也槁乾也夏不得取故

於此時撲刺魚

助生阜也

阜長也鳥獸方孕故取魚鼈助生物也

鳥獸成

水蟲孕水虞於是乎禁置罟設罝

罝罟當為罝罝罝小網也罝陷也鄂柞

格所以誤獸也謂立夏鳥獸已成水蟲

以實廟庖畜功

用也

以獸實宗廟庖厨也而長魚鼈畜四時功足國財用也

且夫山不槎櫟

槎斫也

株生澤不伐夫草木末魚禁鯢鮪鯢魚子也鮪未成魚也獸長麇

麇鹿子曰麇麇子曰麇鳥翼翼成也生哺曰蟲舍蜺蜺蜺子也

可以為醢蠃復陶蕃庶物也古之訓也蕃息今魚方別

孕不教魚長又行網罟貪無藝也別別於雄而懷公聞

之曰吾過而里革匡我不亦善乎是良罟也為我得法

良善也使有司藏之使吾無忘言見此罟則不忘里師

存侍師樂師存名也曰藏罟不如寘里革於側之不忘也寘置

子叔聲伯如晉謝季文子子叔聲伯魯大夫宣公弟叔

肝之子公孫嬰齊也謝季文

子者魯叔孫僞如欲去季氏譖季文子於晉晉人執之
卻犂之妻聲伯之外妹也故魯成公使聲伯如晉謝之
且請之在在卻犂欲予之邑弗受也卻犂晉卿苦成叔

魯成十六年故欲為請歸鮑國謂之曰子何辭苦成叔之邑欲信讓

邑以予之邪抑知其不可乎鮑國鮑叔牙之友孫鮑文子對曰吾

聞之不厚其棟不能任重厚大也任勝也重莫如國棟莫如德

言國至重非德不任國棟夫苦成叔家欲任兩國而無大德任負荷也兩國

晉魯其不存也亡無日矣譬之如疾余恐易焉疾疫也苦

成氏有三亡少德而多寵位下而欲上政位為下卿而欲專國政

無大功而欲大祿皆怨府也

怨之所聚故曰府

其君驕而多私

其君謂厲公也多私多嬖臣也

勝敵而歸必立新家

勝敵敗楚也大夫稱家立新家謂立

所幸胥童之屬為大夫

立新家不因民不能去舊

不因民之所怨不能去舊卿也

因民非多怨民無所始

言卻氏多怨民所始伐也

為怨三府可謂多

矣

三謂少德而多寵位下而欲上政無大功而欲大祿也

其身之不能定焉能予

人邑鮑國曰吾信不若子若鮑氏有釁吾不圖矣

釁非也言

鮑氏若有禍非吾不能豫圖之

今子圖遠以讓邑必常立矣

晉人殺厲公

晉人晉樂書中行偃也

邊人以告

邊人彊場之司

成公在朝

成公魯宣公之公曰臣殺其君誰之過也大夫莫對里

革曰君之過也夫君人者其威大矣君天也故其威大矣失威而

至於殺其過多矣過不積不至於殺且夫君也者將牧民而正

其邪者也若君縱私回而棄民事回邪也民旁有惡無由

省之惡也益邪多矣若以邪臨民陷而不振陷墜也振救也

用善不肯專則不能使至於殄滅而莫之恤也將安用

之安用也桀奔南巢南巢揚州地巢伯之國也今廬江居巢縣是也紂跣于京跣

也京殷屬流于瓠屬周厲王也幽滅于戲幽幽王為西戎所殺戲戲山在

西周皆是術也

術道也皆失威多過之道

夫君也者民之川澤也行而

從之美惡皆君之由民何能為焉

川澤者以君喻川澤民喻魚也從之者魚

從川之美惡以為肥瘠

季文子相宣成無衣帛之妾無食粟之馬仲孫它諫

仲孫

它魯孟獻子之子子服它也

曰子為魯上卿相二君矣妾不衣帛馬

不食粟人其以子為愛且不華國乎

愛吝也華榮華也

文子曰

吾亦願之

願華侈也

然吾觀國人其父兄之食麤而衣惡者

猶多矣吾是以不敢人之父兄食麤衣惡而我美妾與

馬無乃非相人者乎且吾聞以德榮為國華

以德榮顯者可以為

國光

不聞以妾與馬文子以告孟獻子

獻子它之父仲孫蔑也

獻

子囚之七日

囚拘也

自是子服之妾衣不過七升之布

子服

即它也八

馬餼不過稂莠

餼秣也稂童稂也莠草似稷而無實

文子聞之


曰過而能改者民之上也使為上大夫

國語卷四

謹案卷三第一頁前五行經書公會尹子單子晉
侯齊侯宋公衛侯曹伯邾人伐鄭六月乙酉同
盟于柯陵刊本齊下誤脫十七字衍國佐邾人
四字並據宋本增刪

第二十三頁前三行中德中庸之德聲也刊本聲
訛舞據宋本改

卷四第十六頁前五行以高槁儲刊本槁訛夏據
宋本改



總校官庶吉士臣張能照

校對官庶吉士臣翟槐

膳錄監生臣溫之誠

欽定四庫全書薈要

史部
國語卷五
六

詳校官員外郎臣楊世綸



國語卷五

吳 韋昭 注

魯語下

穆子聘於晉

穆子魯卿叔孫得臣之子弱也

晉悼公饗之

以饗禮見之

樂及鹿鳴之三而後拜樂三

及至也悼公先為穆子作肆夏文王各三篇而不拜

至作鹿鳴之三篇而後拜樂三也

晉侯使行人問焉

行人官名掌賓客之禮傳曰韓獻子

使行人子員問焉

曰子以君命鎮撫敝邑

鎮重也撫安也

不腆先君之

禮以辱從者

腆厚也稱從者謙也

不腆之樂以節之

以樂節禮也

吾子

舍其大而加禮於其細敢問何禮也

大謂肆夏文王細謂鹿鳴也

對

曰寡君使豹來繼先君之好君以諸侯之故貺使臣以

大禮

貺賜也

夫先樂金奏肆夏繁遏渠天子所以饗元侯

也

金奏以鍾奏樂也肆夏一名樊韶夏一名遏納夏一名渠此三夏曲也禮有九夏周禮鍾師掌以鍾鼓奏

九夏元侯牧伯也鄭後司農云九夏皆篇名頌之類也載在樂章樂崩亦從而亡是以頌不能具

夫歌

文王大明緜則兩君相見之樂也

文王大明緜大雅之首文王之三也此三

篇皆美文王武王有聖德天所輔昨其微應符驗著見於天乃天命非人力也周公欲昭先王之德於天下故

兩君相見得
以為樂也

皆昭令德以合好也皆非使臣之所敢問

也臣以為肄業及之故不敢拜

肄習也以為樂人自習脩其業而及之故不敢

拜

今伶簫咏歌及鹿鳴之三

伶伶人樂官也簫樂器編管為之言樂人以簫作此

三篇之聲與歌者相應也詩云簫管備舉

君之所以貺使臣臣敢不拜貺

貺賜

也

夫鹿鳴君之所以嘉先君之好也敢不拜嘉

嘉善也鹿鳴曰我有嘉賓

德音孔昭是為嘉善先君之好也

四牡君之所以章使臣之勤也敢不

拜章

四牡君勞使臣之樂也章著也言臣奉命勞勤於外述叙其情以歌樂之所以著其勤勞也

皇

皇者華君教使臣曰每懷靡及

皇皇者華君遣使臣之樂也皇皇猶煌煌也懷

私為每懷靡無也言臣奉使當榮顯其君如華之色煌煌然既受命當思在公每人懷其私於事將無所及

諏謀度詢必咨於周敢不拜教

此六者皆君之所以教臣也訪問於善為咨忠

信為周言諏謀度詢必當咨之於忠信之人

臣聞之曰懷和為每懷

鄭後司農云和

當為私

咨才為諏

才當為事傳曰咨事為諏

咨事為謀

事當為難傳曰咨難為謀

咨

義為度

咨禮義為度度亦謀也

咨親為詢

詢親成之謀

忠信為周

言當

於忠信之人也詩云周爰咨詢

君况使臣以大禮重之以六德敢不重

拜

六德謂諏也謀也度也詢也咨也周也

季武子為三軍

為作也武子魯卿季文子之子季孫夙也周禮天子六軍諸侯大國三軍魯伯

禽之封舊有三軍其後削弱二軍而已武子欲專公室
故益中軍以為三三家各征其一事在魯襄十一年

叔孫穆子曰不可天子作師公帥之以征不德

師謂六軍之衆

也公謂諸侯為王卿士者也周禮軍將皆命卿詩云周公東征周公時為二伯而東征則亦上公為元帥也

元侯作師卿帥之以承天子

元侯大國之君也師三軍之衆也大國三卿皆命於

天子承天子謂從王師征不義也孔子曰天下有道則禮樂征伐自天子出

諸侯有卿無軍

帥教衛以贊元侯

諸侯謂次國之君也有一卿有命卿也二卿命於天子一卿命於其君無軍

無三軍也若元侯有事則令卿帥其所教武衛之士以佐元侯禮所謂次國二軍小國一軍謂以賦出軍從征

伐也贊佐也

自伯子男有大夫無卿

無卿無命卿也王制曰小國二卿皆命於其君

帥賦以從諸侯

賦國中出兵車甲士以從大國諸侯也

是以上能征下下

無姦慝

征正也慝惡也

今我小侯也

言小侯者弱之日久矣

處大國之間

大國齊楚也

繕貢賦以共從者猶懼有討

猶懼以不給見誅討也

若為

元侯之所

之所謂作三軍元侯所為

以怒大國無乃不可乎弗從遂

作中軍

言中者明已有上下軍也

自是齊楚代討於魯

代更也

襄昭皆

如楚

襄襄公昭昭公也如楚朝事楚也事在襄二十九年昭七年

諸侯伐秦及涇莫濟

及至也涇水名也濟水也魯襄十一年晉悼公伐鄭秦人伐晉以救

鄭十四年晉使六卿帥諸侯之晉叔嚮見叔孫穆子曰大夫伐秦至涇水無肯先渡者

諸侯謂秦不恭而討之及涇而止於秦何益

何益何益於伐秦之

事

穆子曰豹之業及匏有苦葉矣不知其它

業事也匏有苦葉詩

邶風篇名也其詩曰匏有苦葉濟有深涉深則厲淺則揭言其必濟不知其它也

叔嚮還召舟

虞與司馬

舟虞掌舟司馬掌兵

曰夫苦匏不材於人共濟而已

材

若裁也不裁於人言不可食也

魯叔孫賦匏有苦葉必

將涉矣

詩以言志也

具舟除隧不共有法

隧道也共具也舟虞具舟司馬除道

法刑也

是行也魯人以莒人先濟諸侯從之

諸侯諸侯之大夫也以用

也能東西之曰以

襄公如楚及漢間康王卒欲還

襄公魯成公之子襄公午也如楚者以宋之盟

朝于楚也漢水名康王楚恭王之子康王昭也

叔仲昭伯曰君之來也非為一

人也

叔仲昭伯魯大夫叔仲惠伯之孫叔仲帶也一人謂康王也

為其名與其衆也

名謂為大國有盟主之名也衆略地多兵甲衆也

今王死其名未改其衆未敗

何為還諸大夫皆欲還子服惠伯曰不知所為姑從君

乎

惠伯魯大夫仲孫它之子子服椒也姑且也

叔仲日子之來也非欲安身

也為國家之利也故不憚勤遠而聽於楚

憚難也

非義楚

也畏其名與衆也

義楚非以楚有義而往也

夫義人者固慶其喜而

弔其憂况畏而服焉

慶猶賀也喜猶福也

聞畏而往聞喪而還苟

半姓實嗣其誰代之任喪

半楚姓也嗣嗣世也任當也誰當代之當喪為主者乎言

必自當之故不可不往弔也

王太子又長矣執政未改

執政令尹司馬也改易也

予為先君來死而去之其誰曰不如先君

言我為楚先君故來聞死

而去之後嗣臣子誰肯自謂德不如先君者乎

將為喪舉聞喪而還其誰曰非

侮也

舉動也如在國間楚有喪將為之舉動而往况已至漢間喪而還其誰言魯不輕侮之也

事其

君而任其政其誰由已貳

任當也由從也言楚臣方事其君而當其政其誰肯從已

時而使諸侯有攜貳者乎

求說其侮而亟於前之人其讎不滋大乎

說猶除也滋益也亟疾也言楚君臣求除其說侮不懦輕侮已者將急疾於前之人此辭不益大乎

執政不貳帥大辭以憚小國其誰云待之

懦弱也憚難也言楚人欲

除其侮慢之耻不懦弱其執政之臣無二心以楚大辭為魯作難其誰能待之待猶禦也若從君而

走患則不如違君以避難

走之也

且夫君子計成而後行

二三子計乎有禦楚之術而有守國之備則可也

也若未有不如此也乃遂行反及方城間季武子襲卞

方城楚北山卞魯邑也季武子襲之以自予

公欲還出楚師以伐魯

伐季氏也言魯

者季氏專魯國榮成伯曰不可

成伯魯大夫聲伯之子名榮

君之於臣其威

大矣不能令於國而恃諸侯諸侯其誰暱之

暱親也

若得

楚師以伐魯魯既不違夙之取卞也必用命焉守必固

矣

夙武子名也言夙取卞時魯人不違而從之是為聽用其命必同心而守故言固矣

若楚之克

魯

克勝也

諸姬不獲閭焉而况君乎彼無亦置其同類以

服東夷而大攘諸夏將天下是王而何德於君其子君

也

無亦亦也同類同姓也攘卻也言楚亦將自置其同姓於魯以取天下不予君也

若不克魯

君以蠻夷伐之而又求入焉必不獲矣不如予之

予之以卞

子武夙之事君也不敢不悛

悛改也

醉而怒醒而喜庸何

傷

庸用也言公欲伐魯若人醉而

君其入也乃歸

襄公在楚季武子取卞使季治逆

季治魯大夫季氏之族子治也逆迎也

追而予之璽書

璽印也古者大夫之印亦稱璽璽書印封書也

以告曰卞人將

叛臣討之既得之矣

此璽書之辭也

公未言榮成子曰

恐公怒故先言

也子股肱魯國社稷之事子實制之唯子所利何必卞

利猶便也

卞有罪而子征之子之隸也又何謁焉

謁告也

治歸致祿而不出

致歸也歸祿還采邑也傳曰公治致其邑

曰使子欺君謂

予能也

欺謂璽書言卞人將叛也能賢能也

能而欺其君敢享其祿而立

其朝乎

享食也

號之會

諸侯之大夫尋宋之盟也在魯昭元年

楚公子圍二人執戈先焉

楚公子圍恭王之庶子靈王熊虔也時為令尹先謂使二人執戈在前導也

蔡公孫歸生與

鄭罕虎見叔孫穆子

歸生蔡大師子朝之子子家也罕虎鄭大夫子罕之孫子辰之子子

皮也穆子魯卿叔孫豹也穆子曰楚公子甚美不丈夫矣

吳謂服飾盛也抑

君也

似君也

鄭子皮曰有執戈之前吾惑之

惑疑怪也

蔡子家

曰楚大國也公子圍其令尹也有執戈之前不亦可乎

穆子曰不然天子有虎賁習武訓也

訓教也虎賁掌先後王而趨舍則守

王閑在國則守宮諸侯有旅賁禦災害也

禦禁也旅賁掌執戈盾火

車而趨車止則持輪所以備非常禁災害也

大夫有貳車備承事也

貳副也承奉也

事使士有陪乘告奔走也

陪猶重也奔走使令也

今大夫而設諸

侯之服有其心矣

有塞國心也

若無其心而敢設服以見諸

侯之大夫乎將不入矣

若不見討必為塞不復入為大夫也

夫服心之文

也

言心所好如龜焉灼其中必文於外若楚公子不為

君必死不合諸侯矣

不復為大夫以會諸侯也

公子圍反殺邾敖而

代之

邾敖楚康王之子麋廆有疾圍繼而殺之葬之于邾謂之邾敖

號之會諸侯之大夫尋盟未逞尋宋之盟也季武子伐莒取

鄆

鄆莒邑

莒人告於會楚人將以叔孫穆子為戮

楚人令尹圉也

以魯背盟取鄆故欲戮之

晉樂王鮒求貨於穆子

樂王鮒晉大夫樂桓子

曰吾

為子請於楚穆子不予梁其涇謂穆子曰有貨以衛身

也出貨而可以免子何愛焉

梁其涇穆子家臣衛營也

穆子曰非汝

所知也承君命以會大事

大事盟也

而國有罪我以貨私免

是我會吾私也苟如是則又可以出貨而成私欲乎

誠苟

也誠復有如此事者則當復以私貨求免而成私欲私欲成則公義廢矣雖可以免吾其若

諸侯之事何夫必將或循之曰諸侯之卿有然者故也

必將有循效我者言諸侯之卿嘗有以貨私免者則我求安身而為諸侯法矣

貨免之法君子是以患作患作患所作不作而以亂事也而不衷將或導

之衷中也是昭其不衷也余非愛貨惡不衷也欲殺身以成義不欲

求生以害道且罪非我之由由武子也為戮何害何害於義楚人乃赦

之穆子歸武子勞之日中不出日中旦至日中也穆子怨其背盟伐莒故不出

見其人曰可以出矣其人穆子家臣曾阜也穆子曰吾不難為戮

養吾棟也武子正卿也是為國棟言已為戮魯誅盡矣故曰養吾棟夫棟折而榱崩

吾懼麇焉

麇，斧也。言季氏亡，則叔孫氏亦必亡。

故曰雖死於外而庇宗於

內可也

庇，覆也。

今既免大恥而不忍小忿，可以為能乎？乃

出見之

平丘之會，晉昭公使叔嚮辭。昭公弗與盟。

晉昭公，晉平公之子昭公。

夷也。魯昭十年，季平子伐莒，取郟。莒人愬之於晉。十三年，晉將討魯，會於平丘，使叔嚮辭。魯昭公不與之盟。

子服惠伯曰：「晉信蠻夷而棄兄弟。」

蠻，夷也。莒也。兄弟，魯也。

其執政貳

也。執政之臣有二心，貳於莒而助之也。

貳必失諸侯，豈唯魯然？

言不獨失魯也。

夫

失其政者，必毒於人，魯懼及焉。

必加毒於人。

不可以不恭，必

使上卿從之

從至晉謝也

季平子曰然則意如何乎

平子季武子之孫惓

子之子意如也時為上卿

若我往晉必惠我誰為之貳

惠謂見執若如也貳副也

子服惠伯曰叔既言之矣敢逃難乎叔請從

叔惠伯名晉人

執平子子服惠伯見韓宣子

宣子晉正卿韓獻子之子起也

曰夫盟信

之要也

要猶結也

晉為盟主是主信也若盟而棄魯侯信抑

闕矣

闕缺也

昔樂氏之亂齊人間晉之禍伐取朝歌

間候也樂

氏晉大夫樂盈也獲罪奔楚自楚奔齊魯襄二十三年齊莊公納盈不克秋伐晉取朝歌朝歌晉邑我先

君襄公不敢寧處使叔孫豹悉帥弊賦

賦兵也

踣踣畢行

無有處人

蹠
也跂

以從軍吏次於讎俞

次舍也雖
俞音地

與
邯

鄆勝擊齊之左

邯鄲勝晉大夫趙毋之子頃
子勝也食采邯鄲左左軍也

倚止晏菜

馬

從後曰倚止獲也晏菜齊大夫

齊師退而後敢還非以求遠也

求非
達以

功以魯之密邇於齊而又小國也

通密
近比
也也

齊朝駕則夕

極於魯國

也極

不敢憚其患而與晉共其憂亦曰庶幾

有益於魯國乎

益謂得晉
之助也

今信蠻夷而棄之夫諸侯之

勉於君者將安勸矣若棄魯而苟固諸侯羣臣敢憚戮

乎諸侯之事晉者魯為勉矣若以蠻夷之故棄之其無

乃得蠻夷而失諸侯之信乎子計其利者小國其命

共

從宣子說乃歸乎子

季桓子穿井獲如土缶其中有羊焉

桓子魯正卿季平子之子斯也或云

得土如瓦缶狀中有土羊使問之仲尼曰吾穿井而獲

狗何也

獲羊而言狗者以孔子博物測之也

對曰以丘之所聞羊也丘聞

之木石之怪曰夔蜺蚺

木石謂山也或云夔一足越人謂之山猱或作孫富陽有之人

面猴身能言或云獨足蜺蚺水之怪曰龍罔象土之怪

曰犢羊

龍神獸也非所常見故曰怪或云罔象食人一名沐腫罔唐云犢羊雌雄不成者

季康子問於公父文伯之母

康子魯正卿季悼子曾孫桓子之子季孫肥也文伯

魯大夫季悼子之孫公父穆伯之子公父敬也母穆伯之妻敬姜也

曰主亦有以語肥也

大夫稱主妻亦如之語教誡也對曰吾能老而已何以語子康子曰雖

然肥願有聞於主

親得一言可行者

對曰吾聞之先姑

夫之母曰姑沒

曰先姑曰君子能勞後世有繼

能勞能自卑勞貴而不驕也有繼子孫不廢也

子

夏間之曰善哉商間之曰古之嫁者不及舅姑謂之不

幸夫婦學於舅姑者也

公父文伯飲南宮敬叔酒

敬叔魯大夫孟僖子之以露子懿子之弟南宮說也以露

睹父為客

睹父魯大夫客上客也禮飲尊一人以為客

羞鼈焉小

羞進

睹父

怒

怒也鼈小也

相延食鼈

延進也衆賓相進以食鼈

辭曰將使鼈長而後食

之遂出

此睹父詞

文伯之母聞之怒曰吾聞之先子

先子先考季悼

子曰祭養尸饗養上賓

言祭祀之禮尊養尸饗養之禮養上賓也

鼈於何有

於何有猶何禮有鼈也

而使夫人怒也遂逐之五日魯大夫辭而

復之

辭請也

公父文伯之母如季氏

如之

康子在其朝

在其外朝也

與之

言弗應從之及寢門弗應而入

康子之家

康子辭於朝而

入見

辭其家臣
八見敬姜

曰肥也不得聞命無乃罪乎

得無有
罪乎

曰

子弗聞乎天子及諸侯合民事於外朝

言與百官考合
民事於外朝也

合神事於內朝

神事祭祀也
內朝在路門內

自卿以下合官職於外

朝外朝君合家事於內朝

家大夫也
內朝家朝也

寢門之內婦人

治其業焉上下同之

寢門正室之門上
下天子以下也

夫外朝子將業

君之官職焉內朝子將庀季氏之政焉

庀治也

皆非吾所

敢言也

公父文伯退朝朝其母其母方績文伯曰以歌之家而

主猶績

言家有寵不當績也

懼千季孫之怒也

季孫康子也位尊又為大宗

其

以歌為不能事主乎其母歎曰魯其亡乎使僮子備官

而未之間邪

僮僮蒙不達也言已居官而未聞道

居吾語女

居坐也

昔聖王

之處民也擇瘠土而處之

境確為瘠

勞其民而用之故長王

天下

瘠土利薄又勞而用之使不淫逸不淫逸則向義故長王天下也

夫民勞則思思

則善心生

民勞於事則思儉約故善心生

逸則淫淫則忘善忘善則惡

心生沃土之民不材淫也

沃肥美也不材器能少也

瘠土之民莫不

嚮義勞也

善心生故嚮義也

是故天子大采朝日與三公九卿

祖識地德

禮天子以春分朝日示有尊也虞說云大采

禮玉藻天子玄冕以朝日玄冕冕服之下則大采非采

采謂此也言天子與公卿因朝日以脩陽政而習地德

以脩具日中考政與百官之政事師尹惟旅牧相宣序

民事

宣徧也序次也三君云師尹大夫官也掌以美詔

政事之所及也一日師少采夕月與太史司載糾虔天

刑也昭謂朝日以五采則夕月其三采也載天文也司

天文謂馮相氏保章氏與太史相儷偶也此日入監九

御使潔奉禘郊之粢盛

監視也九御九嬪之官主粢盛祭服者

而後即安

即就

諸侯朝脩天子之業命

業事也命令也

晝考其國職夕省

其典刑

典常也刑法也

夜儆百工使無怙淫而後即安

儆戒也工官也

怙慢

卿大夫朝考其職

在公之官職

晝講其庶政夕序其業

序次

夜庀其家事而後即安

庀治也

士朝而受業

受事於朝晝

而講

賈習也

夕而習復

復覆也

夜而計過無憾而後即安

憾恨也凡此者

自庶人以下明而動晦而休無日以怠

晦冥王后親織玄統

說云統冠之垂前後者昭謂統所以縣瑱當耳者

公侯之

夫人加之以紘紼

既織統又加之以紘紼也冕曰紘紼纓之無綫者也從下而上不結紼冕

上之卿之內子為大帶

卿之通妻曰內子大帶緇帶也

命婦成祭服

大夫之妻也祭服玄衣纁裳

列士之妻加之以朝服

列士元士也既成祭服又加之

以朝服也朝服天子之士皮弁素積諸侯之士玄端委貌

自庶士以下皆衣其夫

庶士

下士也下至庶人

社而賦事烝而獻功

社春分祭社也事農桑之屬也冬祭曰烝烝而

獻工穀布帛之功也

男女效績愆則有辟古之制也

績功也辟罪也

君子

勞心小人勞力先王之訓也自上以下誰敢淫心舍力

今我寡也爾又在下位

下位下大夫也

朝夕處事猶恐忘先人

之業

處事處身於作事也

況有怠惰其何以避辟

上言懲則有辟故言何以避辟

吾冀而朝夕脩我曰必無廢先人

冀望也而汝也脩微也

爾今日

胡不自安

欲使我不以是承君之官余懼穆伯之絕祀

也承奉也以是怠惰之心奉君

也

官職無以避辟將見誅絕也

仲尼問之曰弟子志之

志識也

季氏之婦不淫矣

公父文伯之母季康子之從祖叔母也

祖父昆弟之妻

康子往

焉閨門與之言

閨門也門

皆不踰閭

閨門限也皆二人也敬姜不踰閭而

出康子不踰閭而入傳曰婦人送迎不出門見兄弟不踰閭是也

祭悼子康子與焉悼

舅伯之父敬姜先

酢不受徹俎不宴

禮祭主人獻宿賓酢主人不受敬姜

不親受也祭畢徹俎

宗不具不繹

繹又祭也唐尚書云祭之明日也昭謂天

子諸侯曰繹以祭之明日卿大夫曰賓尸與祭同日此言繹者通言之也賈侍中云宗宗臣主祭祀之禮不具

謂宗臣不具在則

繹不盡飫則退

說云既宴安私飲也昭謂立曰既坐曰宴

言宗具則與繹繹畢而飲不盡飫禮而退恐有醉飽之失皆所以遠嫌也

仲尼間之以為別

於男女之禮矣

公父文伯之母欲室文伯

室妻也饗其宗老

家臣稱老宗宗人主禮祭

者也楚語曰屈到嗜芰有疾屬其宗老曰祭我必以芰

而為賦綠衣之三章

綠衣詩邶

風也其三章曰我思古人實獲我心以言古之賢人正其室家之道我心所善也

老請守龜卜

室之族

守龜卜人也族姓也

師亥間之

師亥魯樂師之賢者

曰善哉男女之

饗不及宗臣

賈侍中云男女之饗謂宴相饗食之禮不及宗臣昭謂即上章所謂徹俎不宴是也

宗室之謀不過宗人

虞唐云不過宗人則不與他姓謀親親也昭謂此宗人則上宗臣也

亦用同姓若漢宗正用諸劉矣凡時男女之饗不及宗臣至於謀宗室之事則不過宗臣故敬姜欲室文伯而

饗其宗老賦詩以成之也

謀而不犯微而昭矣

不犯不犯禮也微詩而昭詩以合意也

所以合意歌所以詠詩也今詩以合室歌以詠之度於

法矣

也合成也

公父丈伯卒其母戒其妻曰吾聞之好內女死之好外

士死之今吾子天死吾惡其以好內間也二三婦之辱

共先祀者辱自屈辱共奉請無瘠色毀瘠之色無洵涕無聲涕出

為洵涕也無搯膺搯叩也無憂容有降服無加服輕於禮為降重於禮

為從禮而靜是昭吾子也仲尼間之曰女知莫如婦男

知莫如夫言處女之知不如婦公父氏之婦知也夫父公

季氏之別也知也夫者凡婦人之情愛其子欲令妻妻思慕而已今敬姜乃反割抑欲以明德此丈夫之知故

曰知也夫欲明其子之令德也

公父文伯之母朝哭穆伯而莫哭文伯

哭謂既練之後哀至之哭也此

夫子之喪哭不相及終言之也耳禮寡婦不夜哭達情欲也

仲尼問之曰季氏之婦可

謂知禮矣愛而無私上下有章

上下有章夫朝子莫也

吳伐越墮會稽

會稽山也墮壞也吳王夫差敗越於夫椒越王勾踐棲於會稽吳圍而壞之在

魯哀元年獲骨焉節專車

骨一節其長專車專檀也

吳子使來好聘

吳子夫差

也好聘脩舊好也

且問之仲尼曰無以吾命賓發幣於大夫及

仲尼仲尼爵之

發所齎幣於魯大夫次及仲尼也爵之飲之酒也

既徹俎而宴

獻酢禮畢徹俎而宴飲也

客執骨而問

因折俎之骨執以問之

曰敢問骨何為

大者為大仲尼曰丘間之昔禹致羣神於會稽之山

羣神

謂主山川之君為羣神之主故謂之神

防風氏後至禹殺而戮之

防風汪芒氏君

之名也違命後至故禹殺之陳尸為戮

其骨節專車此為大矣客曰敢問

誰守為神仲尼曰山川之靈足以紀綱天下者其守為

神

山川之守主為山川設者也足以紀綱天下謂名山大川能興雲致雨以利天下也

社稷之守

為公侯

封國立社稷而令守之是謂公侯也

皆屬於王者客曰防風氏何

守也仲尼曰汪芒氏之君也

汪芒長翟之國名

守封嵎之山者

也

封封山嵎嵎山在今吳郡永安縣

為漆姓

漆姓汪芒之姓也

在虞夏商為汪

芒氏於周為長翟

周世其國北速為長翟也

今為大人

今孔子時

客曰人

長之極幾何仲尼曰焦僈氏長三尺短之至也

焦僈氏西南蠻之

別名長者不過十之數之極也

十之三大則防風氏也

仲尼在陳有雋集於陳侯之庭而死楷矢貫之石砮其

長尺有咫

雋鵠鳥也楷木名砮鏃也以石為之八寸曰咫楷矢貫之墜而死也

陳惠公使

人以雋如仲尼之館問之

惠公陳哀公之孫悼太子之子吳也館仲尼所舍

仲

尼曰雋之來也遠矣此肅慎氏之矢也

肅慎北夷之國故雋來遠矣傳

曰肅慎燕亳吾北土也

昔武王克商通道於九夷百蠻

九夷東夷九國百蠻

蠻有百邑也使各以其方賄來貢
方賄各以所居之方所出貨賄為貢也
使無

忘職業於是肅慎氏貢楛矢石砮其長尺有咫先王欲

昭其令德之致遠也以示後人使永監焉
監視也
故銘其

括曰肅慎氏之貢矢
刻曰銘括箭羽之間也
以分大姬配虞胡公

而封諸陳
公子也大姬武王元女胡公舜後虞過父之子胡滿也諸之也
古者分同姓

以珍玉展親也
展重也玉謂若夏后氏之璜
分異姓以遠方之職貢

使無忘服也故分陳以肅慎氏之貢
陳媯姓也
君若使有司

求諸故府其可得也
故府舊府也
使求得之金櫝如之
櫝也金

以金縢其外也如之如孔子之言也

齊閔丘來盟

閔丘齊大夫閔丘明也初齊悼公在魯取

女言其情不敢子也齊侯怒伐魯魯與齊平齊使閔丘明來盟公在魯哀八年也

子服景伯戒

宰人曰陷而入於恭

景伯魯大夫子服惠伯之孫昭伯之子子服何也宰人史人也陷猶

失過也如有失過寧近於恭也

閔馬父笑景伯問之

馬父魯大夫也

對曰笑吾

子之大滿也

滿驕也

昔正考父校商之名頌十二篇於周

大師以那為首

正考父宋大夫孔子之先也名頌頌之

叙曰微子至于戴公其間禮樂廢壞有正考父者得商頌十二篇于周之大師以那為首鄭司農云自考父至

孔子又亡其七篇故餘五耳

其輯之亂

輯成也凡作篇章義既成撮其大要以為亂辭詩者歌也

所以節舞者也如今三節舞矣曲終乃更變章亂節故謂之亂也

曰自古在昔先民有

作溫恭朝夕執事有恪

恪敬也先王稱之曰自古古曰在昔昔曰先民有作言先聖人

行此恭敬之道久矣不敢言創之于已乃云受之于先古也

先聖王之傳恭猶不敢

專稱曰自古古曰在昔昔曰先民

此其不敢專也

今吾子之戒

吏人曰陷而入於恭其滿之甚也

驕為滿恭為謙

周恭王能底

昭穆之闕而為恭

底覆也恭王周昭王之孫穆王之子也昭王南征而不反穆王欲肆其心

皆有闕失言恭王能底覆之故為恭也

楚恭王能知其過而為恭

恭王楚莊王之

子也知其過者有疾召大夫曰不穀不德覆亡楚國之師若沒請為靈若厲子蒙曰君實恭可不謂恭乎大夫從今吾子之教官寮

唐云同官曰寮昭謂此景伯之屬下寮耳非同官之寮也同官謂位

同者也詩云我雖異事及爾同寮

曰陷而能恭道將何為

失道尚為恭如其得道將何為乎

季康子欲以田賦

田賦以田出賦也賈侍中云田一井也周制十六井賦戎馬一匹牛

二頭一井之田而欲出十六井之賦也昭謂此數甚多似非也下雖云收田一井凡數從夫井起故云井

耳使冉有訪諸仲尼

冉有孔子弟子冉求也為季氏宰康子欲加賦使訪之也

仲尼

不對

以其非制也

私於冉有曰求來汝不聞乎先王制土籍

田以力而砥其遠邇

制土制其肥磽以為差也籍田謂稅也以力謂三十者受田百畝二

十者受五十畝六十還田也砥平也平遠近遠近有差也同禮近郊十一遠郊二十而三甸稍縣都皆無過十

二賦里以入而量其有無也里廛也謂商賈所居之區域也

其財業有無以為差也周禮國宅無征園廛二十而一漆林二十而五。任力以夫而議其

老幼力謂徭役以夫以夫家為數也於是乎有鰥寡孤

疾又議其鰥寡孤疾而有軍旅之出則徵之無則已徵

鰥寡孤疾之賦也已止也其歲收田一井出稷禾秉芻

岳米不是過也其歲有軍旅之歲也岳庚也聘禮曰十

四秉曰筥十筥曰稯先王以為足足供若子季孫欲其

稯六百四十斛也

法也則有周公之藉矣

藉田之法周公所制也

若欲犯法則苟而

賦又何訪焉

苟苟且也時康子不聽魯哀十二年春卒用田賦

國語卷五

國語卷六

吳 韋昭 注

齊語

桓公自莒反于齊

桓公齊太公之後僖公之子襄公之弟桓公小白也初襄公立具政無常

鮑叔牙曰亂將作矣奉公子小白出奔莒公孫無知殺襄公而立管夷吾召忽奉公子糾奔魯齊人殺無知逆

子糾於魯魯莊公不即遣而盟以要之齊大夫歸逆小白于莒莊公伐齊納子糾桓公自莒先入

使鮑

叔為宰

鮑叔齊大夫如姓之後鮑叔之子叔牙也宰大宰也

辭曰臣君之庸臣

也庸也凡君加惠於臣使不凍餒則是君之賜也若必治

國家者則非臣之所能也若必治國家者則管夷吾乎

管夷吾齊卿桓桓臣之所不若夷吾者五寬惠柔民弗若

也寬則得衆惠則足治國家不失其柄弗若也柄本忠

信可結於百姓弗若也制禮義可法於四方弗若也執

枹鼓立於軍門使百姓加勇焉弗若也軍門立旌為門

也桓公曰夫管夷吾射寡人中鉤是以濱於死三居皆

也也管仲臣於子糾乾時鮑叔對曰夫為其君動也糾也

之戰親射桓公中鉤

君若宥而反之夫猶是也

宥赦也猶是言為君猶為子糾也

桓公曰若

何

若何得還也

鮑子對曰請諸魯

是時桓公使鮑叔牙魯殺子糾召忽死之管仲不死

桓公曰施伯魯君之謀臣也

施伯魯大夫惠公之孫施父之子

夫知吾

將用之必不予我矣若之何鮑子對曰使人請諸魯曰

寡君有不令之臣在君之國欲以戮於羣臣故請之則

予我矣桓公使請諸魯如鮑叔之言莊公以問施伯施

伯對曰此非欲戮之也欲用其政也夫管子天下之才

也才冠天下所在之國則必得志於天下今彼在齊則必長

為魯國憂矣莊公曰若何施伯對曰殺而以其屍授之

授子齊使莊公將殺管仲齊使者請曰寡君欲親以為戮欲

生自戮之以逞射已之忿也若不生得以戮於羣臣猶未得請也

得所請生之於是莊公使束縛以予齊使齊使受而以

退比至三蒙三浴之以香塗身曰桓公親逆之於郊逆

也郊近而與之坐問焉遷國曰昔吾先君襄公築臺以

為高位居高臺田狩畢弋田獵也狩圍守而取禽也畢

不聽國政卑聖侮士而唯女是崇崇高九妃六嬪唐尚

九妃三國之女以姪婦從也昭謂正適稱妃言九者每
之如一明其淫侈非禮制也禮姪婦之屬皆稱妾嬪婦
也官陳妾數百也陳列食必梁肉衣必文繡戎士凍餒戎車

待游車之衷戎士待陳妾之餘戎車兵車游車游
獵之車衷殘也優笑

在前賢材在後優笑倡
排也是以國家不日引引申不月長

也長益恐宗廟之不埤除社稷之不血食敢問為此若何

也為治管子對曰昔吾先王昭王穆王世法文武遠績以

成名周管子之先也績功也言昭王穆王雖有所闕猶
能世法文王武王之典以成其功名也周語曰厲

始革典言至厲王乃合羣宴比較民之有道者合會也
宣老也

比北方也校考合也謂考其德行道藝而興賢者設象以為民紀設象設教象之法於象魏

也周禮正月之吉縣治象於象魏使萬民觀焉挾日而歆之所以為民綱紀也式權以相應用

也權平也治政用比綴以度比比其衆寡綴連也埶本

民使均平相應也比綴以度連其夫家也度法也埶本

肇末埶等也肇正也謂先勸之以賞賜糾之以刑罰收

也班序顛毛以為民紀統班次也序列也顛頂也毛髮也統猶經也言次列頂髮之

白黑使長幼有等以桓公曰為之若何管子對曰昔者

為治民之經紀也

聖王之治天下也參其國而伍其鄙參三也國郊以內也伍五也鄙郊以

外也謂三分國都以為三軍五分其鄙以為五屬也聖王謂若湯武也

定民之居成民之

事

謂使四民各居其職所也若工就官府農就田野所以成其事也

陵為之終以為而

慎用其六柄焉

柄本也六柄生殺貧富貴賤也

桓公曰成民之事若何

管子對曰四民者勿使雜處

四民謂士農工商也

雜處則其言呢

其事易

呢亂兒易變易也

公曰處士農工商若何管子對曰昔

聖王之處士也使就閒燕

士講學道藝者也閒燕猶清淨也

處工就官

府處商就市井處農就田野令夫士羣萃而州處

萃集也

聚也閒燕則父與父言義子與子言孝其事君者言敬其

幼者言悌少而習焉其心安焉不見異物而遷焉

物事也遷

移是故其父兄之教不肅而成肅疾也其子弟之學不勞

而能夫是故士之子恒為士令夫工羣萃而州處審其

四時言四時各有其宜謂死生凝釋之時也辨其功苦辨別也功宰權節也苦脫也權節

其用權平也視其平沈之均也節節其大小輕重也論比協材論擇也比比其善惡也協和也

和其剛葉也旦莫從事施於四方施其物用也以飭其子弟飭教也

也相語以事相示以巧相陳以功陳亦示也功成功也均善則有賞少

而習焉其心安焉不見異物而遷焉是故其父兄之教

不肅而成其子弟之學不勞而能夫是故工之子恒為

工令夫商羣萃而州處察其四時

四時所用者豫資之也

而監其

鄉之資

監視也資財也視其貴賤有無

以知其市之賈負任儋何

背曰負角

曰僦任抱也何揭也服牛輶馬

服謂牛服車也輶馬車也以周詩云既彼牽牛不以服箱

以周四

方

周偏也

以其所有易其所無市賤鬻貴

市取也鬻賣也

旦莫從

事於此以飭其子弟相語以利相示以賴

賴賴贏也

相陳以

知賈少而習焉其心安焉不見異物而遷焉是故其父

兄之教不肅而成其子弟之學不勞而能夫是故商之

子恒為商令夫農羣萃而州處察其四時

四時樹藝各有宜也

權

節其用來耜耨芟

推平也平節其器用小大偃句之宜也耜耨也所以擊草也芟大鎌所以

也芟草及寒擊草除田

寒謂季冬大寒之時也葉枯草也

以待時耕

時耕謂立

後春之及耕深耕而疾耨之以待時雨

疾速也耨厚平也時雨至當種也

時雨既至挾其耜刈耨耨

在挾曰挾耜耨也刈耨也耨鉏也

以旦

莫從事於田野脫衣就功首戴茅蒲身衣襜褕

脫解也茅蒲蓋

笠也襜褕裳蔽衣也茅或作蒲

蓋也霑體塗足

霑濡也暴其髮膚

盡其四支之敏

敏猶

以從事於田野少而習焉其心安

焉不見異物而遷焉是故其父兄之教不肅而成其子

弟之學不勞而能夫是故農之子恒為農野處而不睡

睡近也

其秀民之能為士者必足賴也

秀民民之秀出者也賴恃也

有

司見而不以告其罪五

有司掌民之官也五罪在五刑也

有司已於事

而竣

已畢也竣伏退也

桓公曰定民之居若何管子對曰制國

以為二十一鄉

唐尚書云四民之所居也昭謂國國都城郭之域也唯士工商而已農不在焉

桓公曰善管子於是制國以為二十一鄉

二千家為一鄉二十一鄉

凡四萬二千家此管子所制非周法也

工商之鄉六

工商各三也二者不從戎役也

士鄉

十五

唐尚書云士與農共十五鄉昭謂此士軍士也十五鄉合三萬人為三軍農野處而不睡不在都

邑之數則下所
云伍鄙是也

公帥五鄉焉

五鄉萬人是謂中軍公所帥也

國子帥五

鄉焉高子帥五鄉焉

國子高子皆齊上卿各帥五鄉為左右軍也

參國起案

以為三官

參三也案界也分國事以為三也

臣立三宰

三宰三卿也使掌羣臣也工

立三族

族屬也晉趙盾為旄車之族上言工商之鄉六則各三也

市立三鄉

市商也商處市

井故澤立三虞

周禮有澤虞之官虞度也掌度知川澤之大小及所生育者

山立三

衡

周禮有山虞林衡之官衡平也掌平其政

桓公曰吾欲從事於諸侯其可

乎

欲行伯道討不義也

管子對曰未可國未安桓公曰安國若何

管子對曰脩舊法

伯王擇其善者而業用之

業猶滋

民與無財

遂育也滋長也貧無財者振業之也

而敬百姓則國安矣桓公

曰諾遂脩舊法擇其善者而業用之遂滋民與無財而

敬百姓國既安矣桓公曰國安矣其可乎管子對曰未

可君若正卒伍脩甲兵

周禮五人為伍百人為卒今管子亦以五人為伍而以二百人

為則大國亦將正卒伍脩甲兵則難以速得志矣君有

攻伐之器小國諸侯有守禦之備則難以速得志矣君

若欲速得志於天下諸侯則事可以隱令可以寄政

事

事也隱匿也寄託也匿軍令託於國政若有征伐鄰國不知也

桓公曰為之若何管子

對曰作內政而寄軍令焉

內政國政也因國政以寄軍令也

桓公曰善

管子於是制國五家為軌軌為之長

軌中一人為之長也

十軌為

里里有司

為立有司

四里為連連為之長十連為鄉鄉有良

人焉

賈侍中云良人鄉士也昭謂良人鄉大夫也

以為軍令

為軍長令

五家為軌

故五人為伍軌長帥之

居則為軌出則為伍所謂寄政也

十軌為里故

五十人為小戎里有司帥之

小戎兵車也此有司之所乘故曰小戎詩云小戎伐

收古者戎車一乘步卒七十二人今齊五十人

四里為連故二百人為卒連長

帥之十連為鄉故二千人為旅鄉良人帥之五鄉一帥

故萬人為一軍五鄉之帥帥之

五鄉每一軍有五鄉也鄉帥卿也萬人為軍齊

制也周則萬二千五百人為軍帥長也

三軍故有中軍之鼓有國子之鼓

有高子之鼓春以蒐振旅

春田曰蒐振旅也旅衆也周禮仲春教振旅遂以蒐田也

秋以獮治兵

秋田曰獮周禮仲秋教治兵遂以獮田也

是故卒伍整於里軍

旅整於郊內教既成令勿使遷徙

遷徙猶改更也

伍之人祭祀

同福死喪同恤

恤憂也

禍災共之人與人相疇家與家相

疇

疇匹也

世同居少同游故夜戰聲相聞足以不乖晝戰

目相視足以相識其歡欣足以相死

致死以相救也

居同樂行

同和死同哀是故守則同固戰則同彊君有此士也三

萬人以方行於天下

方猶橫也

以誅無道以屏周室

屏猶蕃也

天

下大國之君莫之能禦也

禦當也

正月之朝鄉長復事

鄉長鄉大夫也復白也周禮正月之言鄉大夫受法於司徒退班于

鄉史以考其行

君親問焉曰於子之鄉有居處好學慈孝於父

母聰慧質仁

慧解瞭也質性也

發聞於鄉里者有則以告有而

不以告謂之蔽明其罪五有司已於事而竣

竣退桓公

桓公

又問焉曰於子之鄉有拳勇股肱之力秀出於衆者

本體

曰股肱臂也大有為
拳詩云無拳無勇

有則以告有而不以告謂之蔽賢

其罪五有司已於事而竣桓公又問焉曰於子之鄉有

不慈孝於父母不長弟於鄉里驕躁淫暴不用上令者

上君
長也

有則以告有而不以告謂之下比

比阿其罪五有
黨也

有其罪五有

司已於事而竣是故鄉長退而脩德進賢桓公親見之

遂使役官

役為
也

桓公令官長期而書伐

官長長官也期
期年也伐功也

書其所掌在
官有功者也

以告且選選其官之賢者而復用之

復白
也

曰有人居我官有功休德

休美
也

惟慎端慤以待時使民

以勸綏謗言

待時動不違時也綏止也

足以補官之不善政

謂前有闕者

桓公召而與之語訾相其質

訾量也相視也

足以比成事

比輔也足

以輔其官誠可立而授之

言可以立為大官而授之事也

設之以國家

之患而不疚

患難也疚病也豫設以國家問之不病不罷也

退問其鄉以

觀其所能而無大厲

問其鄉本其行能也厲惡也

升以為上卿之贊

贊佐也謂之三選

三選謂鄉長所進官長所選公所訾相也

國子高子退而脩

鄉鄉退而脩連連退而脩里里退而脩軌軌退而脩伍

伍退而脩家是故匹夫有善可得而舉也匹夫有不善

可得而誅也政既成鄉不越長

鄉里以齒長幼不相踰也

朝不越爵

賢不肖之爵不相越也

罷士無伍

罷病也無作曰病罷無伍無與為伍也周禮大司寇以國土聚

教罷罷女無家

夫稱家也

夫是故民皆勉為善與其為善於

鄉也不如為善於里與其為善於里也不如為善於家

本其事行也

是故士莫敢言一朝之便皆有終歲之計莫敢

以終歲之議皆有終身之功桓公曰伍鄙若何

管子上言參其

國而伍其鄙內政既備故復問伍鄙之事

管子對曰相地而衰征則民不移

相視也衰差也視土地之美惡及所生出以差征賦之輕重也移徙也

政不旅舊則民不

偷舊君之故舊也偷苟且也孔子曰故舊不遺則民不偷山澤

各致其時則民不苟其時謂衡虞之官禁令各順陸阜陵

瑾井田疇均則民不憾高平曰陸大陸曰阜大阜曰陵

有溝殺地曰田麻地曰疇均平也憾恨也無奪民時則百姓富犧牲不畧則

牛羊遂畧奪也桓公曰定民之居若何管子對曰制鄙

三十家為邑邑有司制野鄙之政也此以下與郊內之制異也十邑為卒卒

有卒帥十卒為鄉鄉有鄉帥三鄉為縣縣有縣帥十縣

為屬屬有大夫五屬故立五大夫各使治一屬焉五屬四十

五屬

立五正

正長也

各使聽一屬焉是改正之政聽屬

正五

正也聽大夫之治也

牧政聽縣

牧五屬大夫也聽縣帥之治

下政聽鄉

下政縣帥也聽

鄉帥之治

桓公曰各保治爾所無或淫怠而不聽治者

正月之朝五屬大夫復事桓公擇是寡功者而謫之

謹誡

音也曰制地分民如一何故獨寡功教不善則政不治

治理

也一再則宥

宥寬也

三則不赦桓公又親問焉曰於子之

屬有居處為義好學慈孝於父母聰慧質仁發聞於鄉里者有則以告有而不以告謂之蔽明其罪五有司已

於事而竣桓公又問焉曰於子之屬有拳勇股肱之力
秀出於衆者有則以告有而不以告謂之蔽賢其罪五
有司已於事而竣桓公又問焉曰於子之屬有不慈孝
於父母不長弟於鄉里驕躁淫暴不用上令者有則以
告有而不以告謂之下比其罪五有司已於事而竣五
屬大夫於是退而修屬屬退而修縣縣退而修鄉鄉退
而脩卒卒退而脩邑邑退而脩家是故匹夫有善可得
而舉也匹夫有不善可得而誅也政既成以守則固以

征則彊

桓公曰吾欲從事於諸侯其可乎管子對曰未可鄰國

未吾親也君若欲從事於天下諸侯則親鄰國

鄰國親足以為

援不然將為已桓公曰若何管子對曰審吾疆場而反

其侵地

審正也反還也侵地齊所侵取鄰國之地

正其封疆無受其資

積土為封

資資財也而重為之皮幣以驟聘親於諸侯

親視也

以安四鄰

則四鄰之國親我矣為游士八十人

州十人齊居一州爾雅曰齊曰營州

奉之以車馬衣裘多其資幣使周游於四方以號召天

下之賢士皮幣玩好使人鬻之四方

玩好人所玩弄以而好也鬻賣也

監其上下之所好

監觀也觀其所好則知其奢儉上下君臣也玩好物貴則具國奢儉則其

國儉擇其淫亂者而先征之桓公問曰夫軍令則寄諸內

政矣齊國家甲兵為之若何

甲鎡也兵弓矢之屬

管子對曰輕過

而移諸甲兵

諸之也移之甲兵謂輕其過使以甲兵贖罪

桓公曰為之若何

管子對曰制重罪贖以犀甲一戟

重罪死刑也犀犀皮也可用為甲戟車戟

也秘長丈六尺

輕罪贖以鞮盾一戟

輕罪剗刑之屬也鞮鞮革有文如縷也小罪

適以金分

小罪不入於五刑者以金贖有分兩宥閒罪之差今之罰金是也書曰金作贖刑

宥閒罪

宥赦也問罪刑罰之疑者
也書曰五刑之疑有赦
索訟者三禁而不可上下坐

成以束矢

索求也求訟者之情也三禁禁之三日使審
官具辭也而不可上下者辭定不可移也坐

成獄訟之坐已成也十二矢為束謂訟者坐成以束矢
入於朝乃聽其訟兩人訟一人入矢一人不入則曲曲
則伏入兩矢乃治之矢取往而不反也周美金以鑄劍
禮以兩造禁民訟入束矢於朝然後聽之美金以鑄劍
戟也鑄治試諸狗馬為狗馬難惡金以鑄鉏夷斤斲
也利者惡金以鑄鉏夷斤斲夷粗也

所以削草平地斤形
似鉏而小斲斲也

試諸壤土甲兵大足桓公曰吾欲

南伐何主

主主人供
軍用也

管子對曰以魯為主反其侵地堂

潛堂潛魯

使海於有蔽渠弭於有渚

賈侍中云海海濱
也有蔽言可依蔽

也築弭裨海也水中可居者曰渚昭謂環山於有牢環

言有此乃可以為主人軍必依險阻也統

也牢牛羊豕也言雖山險

皆有牢牧一曰牢固也桓公曰吾欲西伐何主管子

對曰以衛為主反其侵地臺原姑與漆里衛之四邑使海於

有蔽渠弭於有渚環山於有牢桓公曰吾欲北伐何主

管子對曰以燕為主燕今漁陽薊縣反其侵地柴夫吠狗燕之二邑

使海於有蔽渠弭於有渚環山於有牢四鄰大親既反

侵地正封疆地南至于陶陰陶陰地名齊南界也西至于濟北至

于河東至于紀鄆紀故紀侯之國鄆紀季之邑已入於齊者有革車八百乘

賈侍中云一國之賦八百乘也乘七十二人凡甲士六萬人昭謂此周制耳齊法五十人為小戎車八百乘當有四萬人又上管仲制齊為三軍軍萬人下又曰君有是士三萬人以方行於天下而車數多者其副貳陪從之車乎或者擇天下之甚淫亂者而先征之即位數年八當為六

東南多有淫亂者萊莒徐夷吳越

萊今東萊莒琅邪縣徐夷徐州之夷也

一戰帥服三十一國遂南征伐楚濟汝踰方城望汶山

濟渡也汶水名方城楚北之阨塞也謂師至於陞時也在魯僖公四年汶山楚山也

使貢絲於周

而反荊州諸侯莫敢不來服遂北伐山戎

山戎今之鮮卑以其病燕

之伐制令支斬孤竹而南歸

二國山戎之與也制擊也斬伐也今支今國縣屬遼

西孤竹之

城存焉 海濱諸侯莫敢不來服

北海濱海北涯也

與諸侯飭牲

為載以約誓於上下庶神

飭牲陳其牲為載書加于牲上而已不軟血也

與諸

侯勑力同心

勑并也

西征攘白翟之地

攘卻也白翟赤翟之別種

至于

西河

西河白翟之西

方舟設汭乘桴濟河

方舟併也編木曰汭小汭曰桴濟度也

至

于石抗

石抗晉地名

縣車東馬踰太行與辟耳之谿拘夏

大行

辟耳山名拘夏辟耳之谿也三者皆山險谿谷故縣釣其車偏東其馬而以度也

西服流沙西

吳

流沙西吳雍州之地 南城周

城王城也周襄王庶弟子帶作亂與戎伐襄王焚其東門不克桓公

使仲孫湫徵諸侯成周而 反昨于絳

說云昨賜也謂天子致祭昨賞以大

路龍旂桓公於絳辭之天子復使宰孔致之賈侍中云
反復也非位也絳晉國都也晉獻公卒奚齊卓子死國
絕無嗣晉侯失其非位桓公以諸侯討晉至高梁使隰
明帥師立公子夷吾復之于絳是為惠公事在魯僖九
年昭謂人君即位謂之踐非此言桓公城周尊事天子
又討晉亂復其非位善之也按內傳宰孔子葵丘致昨
肉賜命無辭讓反覆之獄濱諸侯莫不來服嶽北嶽而
文賈君得之唐從賈也

大朝諸侯於陽穀

陽穀之會在魯僖三年

兵車之屬六乘車之會

三年屬亦會也兵車之會謂魯莊十三年會于北杏十四

年會于鹹十六年會于淮也乘車之會在僖三年諸侯

會于陽穀五年會于首止九年會于葵丘凡九也

甲不解累

累所以

兵不解翳

翳所以

強無弓服無矢強

衣服矢服也無

者無其用也 隱武事行文道帥諸侯而朝天子

謂之首止

會會王太子

而謀寧周也 葵丘之會天子使宰孔致胙于桓公

天子周襄

王也宰孔宰周公也胙祭肉也

曰余一人之命有事于文武

事祭

使孔

致胙且有後命

且猶復也

曰以爾自卑勞實謂爾伯舅無下

拜

天子稱五官之伯異姓曰伯

桓公召管子而謀管子

對曰為君不君為臣不臣亂之本也桓公懼出見客

客宰

也孔曰天威不遠顔咫尺

遠速也顔眉目小白余敢承天

子之命曰爾無下拜

承受

恐隕越于下以為天子羞

墜隕

也越遂下拜升受命賞服大路龍旂九旒渠門赤旂

唐尚

書云大路玉路非也賈侍中云大路諸侯朝服之車謂金路鉤樊纓九就龍旂九旒也渠門亦旂名赤旂大旂

也昭謂龍旂畫交龍於綵也正幅為綵旁屬為旒鉤畫鉤之鉤樊馬大帶纓當背削革為之皆以五采屬飾之九就就成也渠門兩旗所建以為軍門若今牙門也諸侯稱順焉

言下拜順於禮也

桓公

憂天下諸侯魯有夫人慶父之亂

夫人魯莊夫人哀姜也慶父莊公之弟共

仲也通於哀姜哀姜欲立之莊公薨慶父殺太子般在莊三十二年又弑閔公在閔二年二君殺死

國絕無嗣桓公聞之使高子存之

高子齊卿高傒敬仲也存之謂立信公而

成魯翟人攻邢桓公築夷儀以封之

邢姬姓周公之後也夷儀邢邑也翟

人攻邢在莊三十二年
封而遭之在魯僖元年

男女不淫牛馬選具

淫見淫略也選數也

翟人攻衛衛人出廬于曹

廬寄也翟人攻衛殺懿公遂入衛衛人出走宋桓公逆之

河以衛之餘民立公孫申以寄
于曹是為戴公在魯閔二年

桓公城楚丘以封之

衛地桓公遭其國而封之事在魯僖二年

其畜散而無育

畜六畜也散謂失亡也育養也桓

公與之繫馬三百

繫馬良馬在閑非放牧者也

天下諸侯稱仁焉於

是天下諸侯知桓公之為已動也

動謂救患分灾也

是故諸侯

歸之譬若市人桓公知諸侯之歸已也故使輕其幣而

重其禮

幣幣幣也禮酬賓之禮也

故天下諸侯罷馬以為幣

罷不任用也幣

珪以縷纂以為奉

奉藉也所以藉玉之藻也縷纂以縷織纂不用絲取易共也纂綺文也

鹿皮四个

个枚也

諸侯之使垂橐而入

垂言空而來也橐發也

捆載

而歸

言重而歸也捆綯也

故拘之以利結之以信示之以武故天

下小國諸侯既許桓公

許謂聽其盟約

莫之敢背就其利而信

其仁畏其武桓公知天下諸侯多與已也

與從也

故又大

施忠焉

施其忠信

可為動者為之動可為謀者為之謀軍譚

遂而不有也諸侯稱寬焉

軍謂以軍滅之也不有以分諸侯也桓公奔莒過譚譚子

不禮入又不賀北杏之會遂人不至故皆滅之在魯莊十年及十三年

通齊國之魚鹽於

東萊

言通者則先時禁之矣東萊齊東萊夷也

使關市幾而不征

幾幾異服識異言也

征稅也取魚鹽者不征稅所以利諸侯致遠物也

以為諸侯利諸侯稱廣焉

施惠

廣也築葵茲晏負夏領釜丘

四者皆阮寒與山戎衆翟接者

以禦戎翟之

地所以禁暴於諸侯也

禁暴禁其暴掠於諸侯

築五鹿中牟蓋與

牡丘

四塞諸夏之閭也

以衛諸夏之地

衛蔽扞也

所以示權於中國

也教大成定三革隱五刃

定真也隱藏也三革甲冑盾也五刃刀劍矛戟矢也說云

三革甲冑鼓非也兵事息則禮樂興焉得廢鼓也

朝服以濟河而無怵惕焉

西行

度河以平晉也

文事勝矣

勝舉也

是故大國慙愧小國附協唯能

用管夷吾寧戚隰朋賓胥無鮑叔牙之屬而伯功立子五

皆齊卿大夫也隰朋齊莊公之曾孫戴仲之子成子也

國語卷六

謹案卷五第二頁前四行貺賜也刊本脫此三字

據宋本增

第五頁後三行言楚人欲除其侮慢之恥刊本慢訛後據宋本改

卷六第四頁前六行處聚也刊本處訛州據宋本改

第七頁後一行因國政以寄軍令也刊本國訛治據宋本改

第十四頁前一行乘七十二人刊本二訛五據宋

本改



總校官庶吉士臣張能照

校對官庶吉士臣戴心亨

謄錄舉人臣陳紹貴

欽定四庫全書薈要

史部
國語卷七至九

詳校官員外郎臣楊世綸



國語卷七

吳韋昭注

晉語一

武公伐翼殺哀侯

武公曲沃桓叔之孫莊伯之子武公稱也翼晉國都也哀侯晉昭侯之孫

鄂侯之子哀侯光也初昭侯分國以封叔父桓叔為曲沃伯曲沃威彊昭侯微弱後六年晉潘父殺昭侯而納桓叔不克晉人立昭侯之子孝侯于翼更為翼侯後十五年桓叔之子莊伯伐翼殺孝侯翼人立其弟鄂侯鄂侯生哀侯魯桓三年曲沃武公伐翼殺哀侯後竟滅翼侯之後而兼之魯莊公十六年王使虢公命武公以一

軍為晉侯

遂為晉祖止藥共子曰苟無死

樂共子晉哀侯大夫共叔成也初桓叔為曲沃

伯共子之父藥實傳之故止共子使無死也

吾以子見天子今子為上卿制

晉國之政

上卿執政命於天子者也

辭曰成聞之民生於三事之如

一

三君父師也如一服勤至死也

父生之師教之君食之

食謂祿也

非父不

生非食不長非教不知生之族也故壹事之

族類也壹事之事之

如一唯其所在則致死焉

在君父為君父在師為師

報生以死報賜

以力人之道也

賜惠也以力謂家臣也

臣敢以私利廢人之道

私利

謂不死君何以訓矣

無以教

為忠也

且君知成之從也未知其

待於曲沃也

君武公也言君知成將死其君為從臣道也故使止臣未知成不死而待君於曲沃之為

也貳從君而貳君焉用之

貳二遂鬪而死

獻公卜伐驪戎

獻公晉武公之子獻公詭諸也驪戎西戎之別在驪山者也其君男爵姬姓也秦曰

驪邑漢高帝徙豐民于驪邑更曰新豐在京兆

史蘇占之

史蘇晉大夫占卜之史也

曰勝而不

吉公曰何謂也對曰遇兆挾以銜骨齒牙為猾

遇見也挾猶會也骨

所以鯁刺人也猾弄也齒牙謂兆瑞左右釁圻有似齒牙

中有從畫故曰銜骨在口中齒牙弄之以象讒口之為害

也禮卜卜師作龜大

戎夏交捽

兆有二畫外象戎內象諸夏夏謂晉也兆端會齒牙

夫占兆史占墨也

交有似捽

交捽是交勝也臣故云

言晉勝戎我復勝晉

且懼有口

齒牙銜骨
皆在口也

懽民國移心焉

懽離也

公曰何口之有口在寡

人寡人弗受誰敢興之對曰苟可以懽其入也必甘受

逞而不知胡可壅也

胡何也逞快也壅防也甘言入耳心以為快而不知其惡何可防止

也公不聽遂伐驪戎克之

克勝也

獲驪姬以歸有寵立以

為夫人

驪姬驪戎君之女也

公飲大夫酒令司正實爵與史蘇

司正

正賓主之禮者也實滿也

曰飲而無肴

肴俎實也

夫驪戎之役女曰勝而

不吉故賞女以爵罰女以無肴克國得妃其有吉孰大

焉史蘇卒爵

卒盡也

再拜稽首曰兆有之臣不敢蔽蔽兆

之紀失臣之官

紀經也失官失守官之節

有二臯焉何以事君

二臯敵北

失官也大罰將及不唯無肴

及至也敵北失官則有大罰非但無肴也

抑君亦

樂其吉而備其凶凶之無有備之何害若其有之備之

為瘳

瘳差也

臣之不信國之福也

不信卜不中也

何敢憚罰

憚難也

飲酒出史蘇告大夫曰夫有男戎必有女戎

戎兵也女兵言其禍

猶兵也若晉以男戎勝戎而戎亦必以女戎勝晉其若之

何里克曰何如

里克晉大夫里季也

史蘇曰昔夏桀伐有施有施

人以妹喜女焉

桀禹十七世后舉之孫王發之子夏癸也有施喜姓之國妹喜其女也以女進

人曰妹喜有寵於是乎與伊尹比而亡夏

伊尹湯相伊摯也自夏適

殷比比功也伊尹欲亡夏妹喜為之作禍其功同也

殷辛伐有蘇有蘇氏以妲己

女焉

殷辛湯三十一世帝乙之子殷紂也有蘇已姓之國妲己其女也

妲己有寵於是

乎與膠鬲比而亡殷

膠鬲殷賢臣也自殷適周佐武王以亡殷也

周幽王伐

有褒有褒人以褒姒女焉

幽王宣王之子幽王宮湮也褒姒姓之國幽王伐之褒人

以美女入謂之褒如是为幽后也

褒姒有寵生伯服

伯服愔王也

於是乎與

虢石甫比

石甫虢公名鄭語曰石甫諂諂巧佞之人也而立以為卿士

遂大子宜咎

宜咎申后之而立伯服大子出奔申

申姜姓之國平王母家

申人

繒人召西戎以伐周周於是乎亡

繒如姓禹後也繒及西戎素與申國婚姻

同好幽王欲殺宜咎以成伯服求之於申申人弗與遂伐之故申繒召西戎以伐周殺幽王於戲

今晉

寡德而安俘女

軍獲曰俘

又增其寵

立以為夫人也

雖當三季之王

不亦可乎

季末也三季王桀紂幽王也

且其北云挾以銜骨齒牙為

猾我卜伐驪龜往離散以應我

應答也往今告龜辭往伐驪也其北離散不吉

夫若是賊之兆也非吾宅也

賊賊敗國家之兆也宅居也非吾所安居也離

則有之國分不跨其國可謂挾乎

跨猶據也言驪姬不據有晉國可謂內外

挾乎不得其君能銜骨乎

言驪姬不得志於其君不能銜骨以害人也

若跨其

國而得其君雖逢齒牙以猾其中其誰云弗從

言驪姬若能跨

據晉國而得志於君齒牙之猾雖為中害國人逢之誰有不從言必從也

諸夏從戎非敗而

何從政者不可以不戒亡無日矣郭偃曰夫三季王之

亡也宜

郭偃晉大夫卜偃也宜言其惑亂取亡皆其宜也

民之主也縱惑不疚

疚病也縱其淫惑不以為病也

肆侈不違

肆極也極其汰侈無所違避也

流志而行

流放

也無所不疚

無一處不是以為病也

是以及亡而不獲追鑑

鑑鏡也言不得

復追鏡前世善敗以為戒也

今晉國之方偏侯也

乃方大也偏偏方也乃甸內偏方小侯

也傳曰今晉甸侯是也

其土又小小三季王

大國在側

大國謂秦齊也

雖欲

縱惑未獲專也

專擅也

大家鄰國將師保之

大家上卿也師保之為作

師保也

多而驟立不其集亡

驟數也集至也

雖驟立不過五日矣

且夫口三五之門也

口所以紀三辰宣五行也故謂之門

是以讒口之亂

不過三五

少則三君多則五君

且夫挾小鯁也可以小戕而不能

喪國

害在內為戕戕猶傷也喪亡也言可以小戕害人不足以亡國也

當之者戕焉

當值

也值骨鯁者傷也

於晉何害

無大害也

雖謂之挾而猶以齒牙口弗

堪也

堪猶勝也言骨在口而猶以齒牙口不能勝也論不能終害

其與幾何

言不久也

國懼則甚矣亡猶未也商之哀也

哀謂帝甲之世

其銘有之

刻器

曰銘謂鍾鼎之戒也

曰噍噍之德不足就也

噍噍猶小小也不足就不足歸就也

可以矜而祇取憂也

矜大也祇適也

噍噍之食不足狃也

食狃也

貪不能為膏而祇離咎也

膏肥也

雖驪之亂其離咎而已

其何能服

驪驪姬也離咎而已其後二子殺死身為里克所殺是也何能服何能服人也

吾聞

以亂得聚者

聚財衆也

非謀不卒時

卒盡也三月一時非有善謀不能盡一時齊無

知是也

非人不免難

非得人衆不能自免於難衛州吁是也

非禮不終年

非有

禮法不能終十年齊懿公商人是也賈虞云十年而數終唐云不終其年與下不盡齒同非也

非義不

盡齒

齒年壽也非有義刑不能盡其年壽楚靈王滅陳蔡用愾太子於岡山是也

非德不及

世世嗣也非有德惠不能及

世世嗣晉惠公夷吾是也

非天不離數

離歷也非有天命佑助不

能歷數長久若齊桓晉文天假之今不據其安不可謂

能謀

據居也言驪姬之謀不居安

存而處危亡不可謂能謀也

得人行齒牙之猾以害人

廢國而向已不可謂禮

廢國謂盡

害羣公子也以國向已不可謂知禮也

不度而迂求不可謂義

迂和也本而以邪奪正不可謂得其義義宜也

謂得其義義宜也

以寵賈然不可謂德

賈市也言恃寵愛以市怨

於國不可謂有德也

少族而多敵不可謂天

少族族類少也多敵多怨也不可謂有天

助德義不行禮義不則

賈然無德迂求非義

故德義不行則法也棄人失謀

天亦不贊

行之以齒牙為棄人不據其安為失謀少族多敵故天不贊贊助也

吾觀君夫

人也若為亂其猶隸農也

隸今之徒也

雖獲沃田而勤易之

沃美也易治也

將弗克饗為人而已

饗食也為人為它人取也

士為曰戒莫

如豫豫而後給

士為晉大夫劉累之後隰叔之子與也豫備也給及也言先有備而後及事

夫子戒之

夫子郭偃其言戒也

抑二大夫之言其皆有焉

二大夫史蘇郭

也既驪姬不克

不能服晉

晉正於秦五立而後平

正者謂秦所輔正大

家鄰國將師保之是也謂以兵納惠公公文公殺呂卻之屬也五立謂奚齊卓子惠公懷公至文公乃平

獻公伐驪戎克之滅驪子

驪子驪戎之君本爵男此云子者猶言男子也

獲驪

姬以歸立以為夫人生奚齊其婦生卓子

女子同生謂後生為婦於

男則言

驪姬請使申生處曲沃以速縣

申生獻公太子恭君也獻公娶

於賈無子烝於齊姜生申生曲沃晉宗邑今河東間喜是也虞御史云速疾也縣縊也

重耳處蒲

城夷吾處屈

重耳夷吾申生異母弟蒲今蒲坂屈北屈皆在河東

奚齊處絳

晉時都絳

也以微無辱之故

言出此三子為鎮於外以微備於戎翟無恥辱於國

公許之史

蘇朝告大夫曰二三大夫其戒之乎亂本生矣日君以

驪姬為夫人民之疾心固皆至矣

日昔日也疾疾其君也至深也

昔者

之伐也起百姓以為百姓也

昔者謂古明王也為是以百姓為百姓除害也

民能欣之

戴欣也

故莫不盡忠極勞以致死今君起百姓

以自封也

封厚也

民外不得其利

不得攻伐之利

而內惡其貪則

上下既有判矣

判離也

然而又生男其天道也天彊其毒

民疾其態其亂生哉吾間君子好好而惡惡樂樂而安

安是以能有常

好者好之惡者惡之樂則說之安則居之故能有常以言獻公好惡安樂皆非

其所也

伐木不自其本必復生塞水不自其源必復流滅

禍不自其基必復亂

基始也

今君滅其父而畜其子禍之

基也畜其子又從其欲子思報父之恥而信其欲

信古申字

雖好色必惡心不可謂好

好美也

好其色必授之情

情謂許立

其彼得其情以厚其欲

厚益也

從其惡心必敗國且深亂

亂必自女戎

深亂亂深也女戎女兵也

三代皆然驪姬果作難殺太

子而逐二公子

二公子謂重耳奔翟夷吾奔梁

君子曰知難本矣

知難本謂

蘇史

驪姬生奚齊其姊生卓子公將黜太子申生

黜廢也

而立

奚齊里克丕鄭荀息相見里克曰夫史蘇之言將及矣

其若之何荀息曰吾聞事君者竭力以役事不聞違命

竭盡也

君立臣從何貳之有

君立嗣臣則從而奉之貳二心也

丕鄭曰

吾間事君者從其義不阿其惑也

阿隨也

惑則誤民民誤

失德是棄民也

言民失德陷於刑辟是棄之也

民之有君以治義也

上下

之義以生利利以豐民

有義故生利豐厚也

若之何其民之與處

而棄之也必立太子里克曰我不佞雖不識義亦不阿

惑吾其靜也

靜然也

三大夫乃別烝於武公

烝冬祭也武公獻公之禰

廟在公稱疾不與使奚齊蒞事

蒞臨也稱疾不祭而使奚齊者欲諷羣臣使知

已猛足乃言於太子曰

猛足太子臣也

伯氏不出奚齊在廟

唐賈

皆云伯氏申生也一云伯氏狐突也昭謂是時狐
突未杜門故以伯氏為申生伯氏猶言長子也子盍

圖乎

圖所以自安固

太子曰吾聞之羊舌大夫

羊舌大夫羊舌職之父也

曰

事君以敬事父以孝受命不遷為敬

遷徙也

敬順所安為

孝

敬順敬順父之所安

棄命不敬

言公命我守曲沃我棄之為不敬

作令不孝

作令

謂擅發舉以有為也

又何圖焉且夫間父之愛而嘉其況有不忠

焉

間離也

廢人以自成有不貞焉孝敬忠貞君父之所

安也

安猶善也

棄安而圖遠於孝矣吾其止也

獻公田見翟祖之氛

田獵也翟祖國名氛禋氣凶象也凶曰氛吉曰祥

歸寢不

寐

欲伐翟祖也寐瞑也

邵叔虎朝公語之

語以寢不寐也邵叔虎晉大夫邵尚之父邵約

也對曰牀筴之不安邪

筴筴也

抑驪姬之不存側邪公辭

焉出遇士為曰今夕君不寐必為翟祖也

君意在夫翟祖也

祖之君好專利而不忘

忘難也

其臣競諂以求媚其進者

壅塞

其臣競諂故進者則壅塞其上使不聞過也

其退者距違

其退去者則距違其君也

其上貪以忍

忍忍為不義也

其下偷以幸

偷苟且幸微幸也

有縱君而

無諫臣

縱放也

有冒上而無忠下

冒抵冒言貪也

君臣上下各厭

其私以縱其回

厭足也回邪也

民各有心無所據依

據杖也

以是

處國不亦難乎君若伐之可克也吾不言子必言之

不言

諫其工也

士薦以告公說乃伐翟祖卻叔虎將乘城也

乘升其

徒曰棄政而役非其任也

政猶職也役戎役也

卻叔虎曰既無

老謀而又無壯事何以事君

壯事力役也言已無謀又恥無功也

被羽先

升遂克之

羽鳥羽繫於背若今軍將負恥矣

公之優曰施通於驪姬

優俳也施其名也旁淫曰通

驪姬問焉曰吾

欲作大事

大事廢適立底也

而難三公子之徒如何

三公子申生重耳夷

吾對曰蚤處之使知其極

處定也極至也當蚤定申生

分之都城而位以歸使自知

其位所極至也夫人知有極鮮有慢心鮮寡也言人自知其極則戒懼不敢違慢覲欲

也雖其慢乃易殘也言有官任而違慢易殘毀也驪姬曰吾欲為難

安始而可難謂欲殺三公子始先也優施曰必於申生其為人也小

心精潔小心多畏忌精潔不忍辱也而大志重大年長也又不忍人

不忍施不忍施精潔易辱重債可疾債儻也悖重者守節不

忍人必自忍也自忍忍能自殺也辱之近行辱謂被驪姬曰重

無乃難遷乎遷移也優施曰知辱可辱可辱遷重言知辱者雖重

移必若不知辱亦必不知固秉常矣不知無所知也秉執也固執常謀因罪以

去今子內固而外寵

內固內得君心外寵外見寵愛也

且善不莫不信

所善惡無不見信也

若外單善而內辱之無不遷矣

單盡也外盡善意待太子

而內以不義加辱之則其心無不移也

且吾聞之甚精必愚

精銳近愚精為易

辱愚不知避難雖欲無遷其得之乎是故先施讒於申

生

驪姬賂二五使言於公

賂遺也二五獻公嬖大夫梁五與東闕五也

曰夫曲

沃君之宗也

宗本宗也曲沃桓叔之封先公宗廟在焉猶西周謂之宗周也

蒲與二屈

君之疆也

疆境也二屈屈有南北今河東有北屈則是時復有南屈

不可以無主宗

邑無主則民不威

威畏也

疆場無主則啓戎心

啓開也開戎侵盜之

心晉南有陸渾之戎蒲接之北有山戎二屈接之

戎之生心民慢其政國之患

也若使太子主曲沃而二公子主蒲與屈乃可以威民

而懼戎且旌君伐

旌章也伐功也

使俱曰翟之廣莫於晉為都

使俱者使二五同聲也廣莫北翟沙冀也下邑曰都使如為晉下邑也

晉之啓土不亦宜

乎

啓土辟境也

公說乃城曲沃太子處焉又城蒲公子重耳

處焉又城二屈公子夷吾處焉驪姬既遠太子乃生之

言

生生說言也

太子由是得臯

十六年公作二軍

獻公十六年魯閔公之元年魯莊公十六年王命晉武公以一軍為晉侯至此

初作二軍

公將上軍太子申生將下軍以伐霍

霍周文王之子霍叔

武之師未出士為言於諸大夫曰夫太子君之貳也

貳副也

恭以俟嗣何官之有今君分之土而官之

位以卿也

是左之也

左猶外也

吾將諫以觀之乃言於公曰夫太子君之貳也而帥

下軍無乃不可乎公曰下軍上軍之貳也寡人在上申生

在下不亦可乎士為對曰下不可以貳上

猶足不可以貳手也手足左右

各自為貳也

公曰何故對曰貳若體焉

體四支也

上下左右以相心

目相助用而不倦身之利也

倦勞也有貳故不勞四體役身故身之利也

上貳

代舉

上手代更也

下貳代履

下足履步也

周旋變動以役心目

役為也

故能治事以制百物

制裁也

若下攝上與上攝下

攝持也

周旋

不動以違心目其反為物用也何事能治

為物用與百物器用無異

故古之為軍也軍有左右闕從補之

左右左右部也闕缺也

成而

不知是以寡敗

不知敵不知有闕也

若以下貳上闕而不變敗弗

能補也

變更也

變非聲章弗能移也

聲金鼓也章旌旗也移動也

聲章

過數則有覺有覺則敵入

覺隙也軍法進退旗鼓有數過數則有隙敵見隙而犯已

也敵入而凶救敗不暇誰能退敵

山猶山山恐懼也退卻也

敵之如

志國之憂也可以陵小難以征大

以下軍威上可以侵陵小國難以征大國

也君其圖之公曰寡人有子而制焉非子之憂也對曰

夫太子國之棟也棟成乃制之不亦危乎

棟成謂位已定而更其制

使將兵危之道也

公曰輕其所任雖危何害

輕其所任謂輕大子之任不重責也

雖近危猶無害也

士為出語人曰太子不得立矣改其制而不

患其難輕其任而不憂其危君有異心又焉得立行之

克也將以害之

以得衆害之

若其不克其因以辜之雖克與

不無所避臯與其勤而不入不如逃之

不入不入君意也逃去也

君

得其欲太子遠死且有令名為吳大伯不亦可乎

得其欲得

立奚齊也大伯諫季歷遠適吳越後武王追封曰吳伯故曰吳大伯

太子聞之曰子與之

為我謀忠矣

子與士為字也

然吾聞之為人子者患不從不患

無名

不從不從父命也

為人臣者患不勤不患無祿今我不才

而得勤與從

以戰伐為勤從

又何求焉焉能及吳大伯乎太子

遂行克霍而反讒言彌興

彌益也

優施教驪姬夜半而泣謂公曰吾聞申生甚好仁而彊

強強也甚寬惠而慈於民也慈愛皆有所行之法術也皆有今

謂君惑於我必亂國夫無乃以國故而行彊於君以國故恐

以改國之故而君未終命而不沒也沒終君其若之何盍殺

我無以一妾亂百姓不也公曰夫豈惠其民而不惠於

其父乎也惠愛驪姬曰妾亦懼矣吾間之外人之言曰為

仁與為國不同為仁者愛親之謂仁為國者利國之謂

仁利國謂安社故長民者無親私親也無衆以為親苟衆

利而百姓和豈能憚君也宜憚殺以衆故不敢愛親衆況

厚之

況益也言以衆故殺君除民害衆益為厚也

彼將惡始而美終以晚蓋

者也

美善也晚後也蓋掩也言以後善掩前惡

凡民利是生謂為民生利也殺君而

厚利衆衆孰沮之

沮敗也

殺親無惡於人人孰去之苟交

利而得寵志行而衆說

交俱也

欲其甚矣孰不惑焉

欲謂大子

也誰不惑謂國人也雖欲愛君惑不釋也

釋解也

今夫以君為紂若

紂有良子而先喪紂

良善也喪亡也若紂之有善子知紂之惡紂終必滅國以計言之不

如先自殺之

無章其惡而厚其敗

厚其敗謂武王擊以輕劍斬以黃鉞也

鉞之

死也無必假手於武王

鉞同也假借也

而其世不廢祀至於今

吾豈知紂之善否哉

先自亡之故無知之者

君欲勿恤其可乎

恤憂

也

若大難至而恤之其何及矣公懼曰若何而可驪姬

曰君盍老而授之政

稱老以政授申生也

彼得政而行其欲得其

所索乃其釋君且君其圖之自桓叔以來孰能愛親

桓叔

獻公曾祖曲沃桓叔成師也桓叔伐晉殺其兄子昭侯於翼桓叔生莊伯莊伯又伐翼殺昭侯之子孝侯莊伯

生武公武公滅翼而兼之武公生獻公獻公滅桓莊之族也

唯無親故能兼翼公曰

不可與政我以武與威是以臨諸侯未沒而亡政不可

謂武有子而不勝不可謂威我授之政諸侯必絕能絕

於我必能害我失政而害國不可忍也爾勿憂吾將圖

之驪姬曰以臯落翟之朝夕苛我邊鄙

臯落東山翟也苛擾也

使

無日以牧田野

無日不有翟儼故不得牧於田野也

君之倉粟固不實又

恐削封疆君盍使之伐翟以觀其果於衆也與衆之信

輯睦焉

果果於用師也輯和也

若不勝翟雖濟其臯可也

濟渡也以不勝

之若勝翟則善用衆矣求必益廣

所求益廣也

乃可厚圖也

且夫勝翟諸侯驚懼吾邊鄙不做倉粟盈四鄰服封疆

信君得其賴

信審也賴利也

又知可不其利多矣君其圖之公

說是故使申生伐東山

東山畢落氏也

衣之偏袷之衣佩之金

玦

袷在中左右異色故曰偏玦如環而缺以金為之

僕人贊聞之曰太子殆哉

贊太子僕也殆危也

君賜之奇奇生怪怪生無常無常不立

奇異也

立不得立也

使之出征先以觀之

觀其用衆也

故告之以離心而

示之以堅忍之權

離心偏衣中分也堅忍金玦也則必

玦以示離也傳曰金寒玦離

惡其心而害其身矣惡其心必內險之

險危也

害其身必

外危之

外危之使攻伐也

危自中起難哉且是衣也狂夫阻之

衣也

狂夫方相氏之士也阻古詛字將服是衣必先詛之周禮方相氏黃金四目玄衣朱裳執戈揚盾以

駭瘦也

其言曰盡敵而反

言謂狂夫祭詛之言

雖盡敵其若內讒何

申生勝翟而反讒言作於中君子曰知微

知微謂僕人賢也

十七年冬公使太子伐東山

獻公十七年魯閔二年

里克諫曰臣

聞臯落氏將戰

言其不服將與申生戰也

君其釋申生也

釋舍

公曰

行也對曰非故也

非故也

君行太子居以監國也

則君行

行太子從以撫軍也

有守則從撫備軍士

今君居太子行未有此

也公曰非子之所知也寡人聞之立太子之道三身鈞

以年

身鈞德同也

年同以愛

立所愛也

愛疑決之以卜筮

疑愛

受同也。龜曰：卜筮曰筮。

子無謀吾父子之間，吾以此觀之。

言吾使之征伐

欲觀其能不也

公不說里克退，見太子。太子曰：「君賜我偏衣金。」

缺何也？里克曰：「孺子懼乎衣躬之偏，而握金玦，令不偷。」

矣。孺子何懼？」

孺少也。偷，薄也。偏，半也。分身之半以授太子，又令握金玦，金玦，兵要也。君令于太子，

不為薄矣。

夫為人子者，懼不孝，不懼不得。」

賈唐云：「不得，不得君心也。」昭謂：「不得。」

立也。內傳：「太子曰：『吾其廢乎？』」里克曰：「子懼不孝，無懼不得立。」

且吾聞之：敬賢於請。」

賢

也。言執恭敬也。

孺子勉之乎？」

勉為孝敬。

君子曰：「善處父子之間。」

矣。入諫其父，太子遂行。狐突御戎，先友為右。」

狐突，晉同姓。唐叔之

姓。唐叔之

後狐偃之父狐突伯行也先友衣偏衣而佩金玦出而
晉大夫先丹木之族右車右也

告先友曰君與我此何也先友曰中分而金玦之權在

此行也孺子勉之也中分中分君之半狐突歎曰以虎衣

純雜色曰虎純純德謂太子也而玦之以金鉞者寒之甚矣胡可恃

也玦猶決也鉞猶洒也洒洒寒兒言於太子無溫潤也雖勉之敵其可盡乎先友

曰衣躬之偏握兵之要握兵之要金玦之勢也金為兵玦所以圖事決計也故為兵要

在此行也勉之而已矣偏躬無隱兵要遠灾隱惡也衣躬之半君

欲無惡意也握兵之勢親以無灾又何患焉至于稷桑稷桑

卑落
翟地

翟人出逆

逆距申生也

申生欲戰狐突諫曰不可突聞

之國君好艾大夫殆

艾當為外聲相似誤也好外多嬖臣也嬖臣害正故大夫殆殆危也

好內適子殆社稷危

好內多嬖妾也嬖專寵故適子殆國家亂則社稷危周幽王是也

若惠於父而遠於死

惠順也去避奚齊為順父心而遠於死也傳曰狐突欲行

惠於

衆而利社稷其可以圖之乎

惠於衆謂不戰也天子況去則國不爭故利社稷

其危身於翟以起讒於內也申生曰不可君之使我非

歡也

非歡愛我也

抑欲測吾心也

測猶是故賜我奇服而告

我權

奇服偏繫權金珎也

又有甘言焉

申生將去父又言之大甘以美言撫慰之

其中必苦諧在中矣君故生心

有此甘言非本意故言生心也

雖蝸諧

焉避之不若戰也

蝸木蟲也諧從中起如蝸食木不能避者也

不戰而反我

臯滋厚

滋益也

我戰雖死猶有令名焉

有恭從之名也

果戰敗翟

於稷桑而反讒言益起狐突杜門不出

不出難也

君子曰

善深謀

國語卷七